


怪異
小說

身
外
身

上海進步書局印行



哀情小說

靈

鵲

夢

全書一冊 價洋二角五分

是書叙鄭劉二美與浙中常生事通脫處如湘雲謹嚴處如妙玉纏綿處如黛玉激烈處如晴雯中間插入喜子墜兒秋芙劉升一般人物則又如劉老老傻大姊等是能學曹雪芹而神似者

哀情小說

春水沉冤記

全書一冊 價洋二角

敘一女子二男子為情顛倒鴛鴦同命葬身愛河文筆亦離奇曲折沉鬱悲涼為言情之絕作弔豔一章結構尤奇是胎息於桃花扇而能青出於藍者

言情小說

藕

絲

記

全書一冊 價洋二角五分

敘一男子眷一女子格於母命聯姻他姓後值母故宣告離絕此女子乃遭讒病歿憂鬱無聊之中與前妻相遇驚為才貌俱絕然悔無及矣情節至為曲折通體都用反筆襯筆無一直率處自是佳構

豔情偵探小說

情

謀

全書一冊 價洋二角五分

此為吳門近事一閨秀曠比匪人幾幾墮溷幸逢情謀設計破壞奸謀該女亦悔過自新其中匪人之狡滑情謀之機智繼母之斡旋小婢之勸告一一寫出文筆却粧點有致

異 怪

身 外 身

一生家貧有志擬作空中遊而困於財力有友善催眠術爲之互易靈魂生之靈魂入一富人之身妻妾滿前爭妍奪寵生覺種種不慣情形頗足發噱富人之入生家亦然卒藉其資以遂遊志空中忽遇天國敵人躬爲俘虜遍遊天國政治之善良器械之精美非近日歐美諸國所能夢見而組織乃出自吾國人此爲錢塘蔣景緘君所撰文筆奇特與事實相副鋪芬揚藻字字熨貼與林琴南氏不相上下小說至此歎觀止矣

小怪異
身外身

錢塘蔣景綬著

第一回 述奇疾回憶夢中天 談富豪忽逢身外我

武光曰余健全人也。余家人若戚畹皆謂余有腦病弗治且殆。余臨餐能飯食酒至斤許雖無專門學亦略具普通知識。與人言有首尾。余健全人也。惟余善睡。睡或一二日或數十日不一不飲不食無所苦。睡時泰山起於前震霆怒於頂。余冥然罔覺。瞑若死鼠。第鼻聲僅屬與埃及木乃伊微異。余家人之謂余爲病蓋卽在此。然余之睡實含探險性質。吾國將來璀璨如花之軍事史。余屢於睡中得其端緒。或者乃疑其非佳。朕深以驅去爲幸。抑知余之異稟非天授而人造。必希望余與之絕交。其妒余享此奇境耶。余今亟取睡游載筆露布其概。弗余信者。第於余就睡時往探里中戴壯游之動作可矣。

戴壯游富豪也。富而慳着錢於囊摩挲之。至光滑鑑人。不忍釋。生平足不出里。

門一步舟車之利遇之殆成虛設余鄉人所共知也往歲秋仲金風送涼天地初肅壯游例必蟄居別墅如狷如鼠外人罕睹其面爾時則破例出游游且遠見者聞者咸引爲異余謂其可異者不第在此壯游平生不知英語當日則操之如夙習又揮霍好友不以儻來物爲重輕凡此殊異之點舉之殆難更僕彼豈忽病神經改易常度耶亦以所有之靈魂已爲余也守此軀殼莫禁他人之奪舍也

所謂他人者自壯游一方面言之則爲他人自余一方面言之則余也余幼讀吾國最近歷史即慨中華國徽不獲飛揚世界與列雄絜長比大每思馳觀域外閱歷有得歸遺祖國顧窘於遇限於資鬱鬱不自得吾友成志仁哲學家也一日余謂之曰催眠之術原於心理君究哲學於此當有獨得志仁笑而不答再叩之則曰武光君乃欲學某某爲婁豬之誘耶余正色矢必無此且曰余無他願唯願能得此術變化富人心肝使與吾人願望符合斯可矣志仁哂曰茲

事似亦非難。君第須之。或當有以報命。是時余與志仁行田塍間。方值春暮。麥影濛濛。野風扇暖。遙見一人布衣草服。立於煙外。志仁顧余曰。武光君所期之富人至矣。余雖聞此人名。固不與之相識。弗虞志仁之謂彼。胎暎四顧如覓針芥。志仁已知余意。即微語曰。君求富人。乃未知富人之特別標識耳。目之前且猶失之。何論其大也。蓋富人者。其目惟見貨幣。故常小其眉。時憂窮約。故常縐其髮。時供搔剔。故常短。今當前之人三者俱備。君胡熟視無睹乎。余恍然有悟。甫思凝視。驟覺足下似有所躓。身搖搖欲仆。勉自支拄。忽覺余身已與志仁相遠。志仁身側復立一人。所著冠服悉類於余。而余身則立富人所立之地。衣履已成。儉態余猶未疑。志仁遽施其技。然余髮已髡。此時搔之。則有若螺之髻。匿於冠中。似留亡清紀念。志仁身側之人。則髮際童童。大與過去之余相類。此時余悟志仁已實施其心電。使余與彼形魂互易。視余之所希望。乃尤有進喜躍不能自制。顧一經其斜睨。余面則畏禍之心。忽騰躍於腦際。頓失愉快態度。於

是趨就志仁將詰其異志仁殊不相顧躡足逕去而身外之我亦隨其後千予他往余獨徘徊道左欲歸懼余妻孥不識欲入此人家則其姓名余且未悉烏知其家居何所者嗟乎余唯好奇乃爲奇事所窘此劇初演已有我安適歸之苦境而又無可控訴余初熹志成之適如余願至是轉憾其行之鹵莽矣

第二回 引迷津藤牀供嚮導

湊病名醫士話傷寒

風景不殊人面頓改歧途躑躅桃花笑人余痴立田塍默籌知余姓氏之策苦無良法驟見一童趨過忽得計劃急呼曰孺子：煩汝寄語吾家令速以兩人至掖我以行我足爲蛭所傷脛乃暴痛牽及筋肉故須人之佐我汝能不辱吾命吾將犒汝銅蚨也童子噉聲以應且諛余曰戴老此細事何勞錫賚余當即馳報也言已歡躍而去余於是始知此時之余實爲戴氏然尙不知當何所字私衷自揣如遇困難之算學題無由能決者須臾童子偕二健者舁一藤榻其後則有衣服整潔之中年婦人皇皇奔赴呼余爲弟余亦應之以姊此婦促余

登榻命健者緩昇。余行且行。且絮絮問所苦。余素不善作僞。此時權辭之。設天良殊不謂爾。一經詰難。期期艾艾。不能成語。此婦疑余痛極。瞽亂。遂不復詢。無何抵家。門漚浮釘。閤閉。撲地宛然。富室至是。余已陰識。此間爲戴氏壯游廬。舍壯游。幼失父母。室中羣雌粥粥。舍其身外。更無男子。余於是默默自揣。竊定壯游。當爲余。字第有舉。此字以相詔者。當力振其怯。以應使人。弗疑。暨鼎乃入門。後粉白黛綠。紛集余側。各致詢詰。大約皆問蛭傷。作何見狀。余居田間。久知蛭傷者。出血少許。糝以鹽屑。良已痛苦。亦殊不烈。不謂富人。造此獻媚者。竟視爲非常奇疾。乃知孤寒者。虛生此世也。衆中有一少婦。羣呼之。爲金姨。金姨纖腰踽步。輕盈似可作掌上舞。戴之專房寵也。乃戴寵其人。適以成余此時之厄。運彼婦見衆所發問題。余似答非答。令人沈悶。欲絕。逕辟衆而前。舒其皓白手腕。爲余緩解。結襪之帶。將以驗脛傷之輕重。

余既無傷。供其考驗。雖家門幸識。而欺誑之覆。頃刻將發。安免第二困難者。方

無策以相拒而一僕又言醫士已至卽見弟余之婦麾衆整拭几案位置文房命諸婦隱余榻後母譁母笑靜聽醫言何若須臾微聞嗽聲醫士歛段如驢入於室內坐旣定按脉不及寸輒請觀余傷處嗟乎余之傷處不知何在而相擾者乃紛瀆不已余知不可避遂力壯余怯徐舒金姨所驗之足捋褲示之以脛脛膚色相若了無所傷余則以心命口堅言痛甚醫略致踟躕卽爲鄭重之聲曰此非蛭傷此乃脫足傷寒之發見不亟治痛至心且死余知此醫白晝逢魔驟生狂噬竊哂其陋幾將縱笑然又感其拯余困難弗欲揭其真相則且匿首衾角顛聲呼痛讀者須知余之呼痛殊非不得已否則笑聲發也醫旣揚言治療艱遂婪索多金而後處方去於是諸婦咸知此症險侍余唯謹而余之困難亦愈甚蓋余健飯食酒爲恒事以病故遂禁制不得一醉飽欲就志成共語而以病未可無肯縱余出室一步者余旣處此脂粉之地獄又念余之軀壳不知作何狀余雖不冒非禮置禁鬻於弗顧而色荒之戴氏或竟與余相反余將何術

挽○之○耶○噫○失○敗○：○失○敗○：○余○先○時○何○計○不○及○此○今○計○及○此○則○已○晚○余○於○是○煩○擾○不○勝○殆○將○真○病○不○覺○自○床○躍○起○繞○室○疾○走○此○時○金○姨○方○以○湯○劑○至○見○狀○大○訝○已○復○大○喜○轉○其○輕○脆○之○喉○曰○吾○主○愈○乎○余○應○曰○謝○汝○愈○矣○此○語○甫○脫○諸○口○而○余○之○阨○運○又○至○矣○

第三回

道義硜硜春風不度

羣雌粥粥妒焰初張

吾○書○不○云○金○姨○爲○壯○游○寵○姬○乎○壯○游○他○事○雖○慳○於○財○獨○後○房○之○寵○則○能○量○明○珠○以○相○聘○抱○衾○者○五○六○輩○並○皆○妖○艷○而○金○尤○姘○好○纖○蛾○秀○髮○佐○以○盈○盈○之○秋○水○軀○幹○玉○立○肌○膚○瑩○緻○畫○中○人○殆○難○比○擬○此○雌○驟○聞○余○病○良○瘥○以○其○溫○膩○之○手○腕○觸○余○肩○際○曰○主○向○施○恩○紅○玉○知○其○膽○怯○常○弗○令○之○獨○宿○今○以○區○區○足○疾○俾○人○不○獲○與○君○同○夢○者○數○日○矣○今○幸○勿○藥○君○其○奈○何○言○際○眼○波○微○飭○梨○渦○暈○絳○似○嗔○似○喜○蕩○人○神○志○嗟○乎○諸○君○余○雖○馳○心○域○外○欲○求○達○吾○遠○游○目○的○柔○鄉○探○險○良○非○所○願○乃○前○途○漆○黑○竟○投○慾○海○我○心○匪○石○我○腸○匪○鐵○胸○際○動○脉○躍○躍○爲○之○震○蕩○不○止○余○

初訝當代之偉人。間關險阻。奔走國事。至犧牲腦汁。頸血而不悔。及事功既就。則金錢揮霍。視同沙礫。駿馬如龍。後房如鯽。向之犯萬死而決然不顧者。今則犯衆怒而不悔。頗疑其人前後異趣之速。及躬遘此境。乃知粉白黛綠之縻人。志節不少也。然余雖爲金姨所魔。阨而繹。吾恐懼初念。則當前之雛艾。不覺視若蛇蝎。惟懼逢其毒螫。蓋余雖不習迷信。懼受恫淫之罰。然念形魂既易。戴氏無人識。余爲贗。吾家亦詎能識。戴憑余身者。茲事之危。余幾不敢設想。而金姨之厚。我不啻爲余。喝其當頭之棒。令人憬然神悚。於是纖掌所觸之處。似視搗炙。尤苦。金注視余面。調笑尤虐。余素固能諧諛。際此則嘿不能發。弟覺頸筋暴漲。顛爲所掣。乃帶微顫。金睹余之怪狀。蟾蟻之領。忽俛出巾於袖。搓揉其目。爲涕零之態。曰。紅玉。猥以賤質。獲侍吾主。主卽不言。寧弗自知。昨晨有人相告。謂主於未病時。曾與菊奴締結密約。他人將在淘汰。吾卽惴惴慮受齟齬。今觀現象。若此。足知人言信矣。言已掩面哀啼。宛轉悽惻。余初不知金姨名爲紅玉。及

聞其續續自呼始獲領解若菊奴之爲何人或未經觀面或觀面而不能辨何從締其密約者唯余襲戴氏軀壳則戴之罪孽悉爲余之罪孽百喙當亦莫解而所持潔身主義則又甚類薄待紅玉愛情他有所鍾者此際喁喁花泣亦固恃寵爭妍之常態然而余乃煩冤莫訴矣欲出旣爲所阻遂不得不從事於慰藉余乃呼其其名曰紅娘……語甫發而乖誤又見金姨展盈盈之淚眼發其嬌慍曰吾非待月西廂爲雙文之鴻雁者奈何乃亦以此呼我余知問俗問禁之舉未行故言動皆滋咎戾然余之靈魂雖居傳舍此家則以主人目我甯有朝夕與處而不知其習尙猶待詳咨博訪者故余之頻遇困難實迫於勢之無可如何當爲讀者所共諒也余方苦金之相逼太甚忽聞笑語大縱步履之音亦雜逕即見弟余之姊氏前驅餘則燕瘦環肥爭集一室蓋皆病榻前日與周旋不能一一辨其名氏者綜言之則不離於壯游之姬侍近是此輩咸知余足大愈向余稱慶余亦相與周旋以酬衆意語際嘿識諸人知衣素者爲白姨衣

玄者爲秦姨鬢髮覆額不髻而辮者爲常姨修蛾入鬢纖腰一握者爲曹姨金姨所指之菊奴則螺髻雙丫猶作侍兒裝束凝睇其面雖加塗澤而淚痕隱隱笑語之聲皆頰強飾似怨余之久於金所者嗟乎余之隱衷無能披以相示奈何觸處皆窮耶

第四回 簿計珠盤可兒肆謔

笑風涕雨慧婢投懷

余囚脂粉陣中左顧右盼苦無遁逃之術無聊酬酢支吾最苦猶幸壯遊之姊在側羣姬雖以余爲矢的尙不能恣其力之所及乃此婦少事徘徊旋以勾當家事遂匆匆出衆睹其去無復顧忌乃競向余騰其笑謔其始猶以主人相謂繼則諧談百出各極其態白姨齒牙鋒利出語冷峭宛轉酷類其人恒以錢袋謂余蓋白喜淡裝每屏珍飾弗御壯遊市得華靡之品往往擲諸妝奩壯有墮甌之歎白輒嗤黜其俗故以此佳徽相奉久之遂成習慣初恤余之病體未敢循其故常至是矢口而出余初不解所謂徐審語意始知爲余代名也諸姬譁

笑未已而擁肩摘耳之態又相繼而作此際余身乃如傀儡一任若輩播弄而無能自主俄而秦姨忽附常姨之耳作密語常微頷其首乃聯袂偕出余方私幸可少甯貼不謂甫踰時鐘分許此二人者已連翩而返秦姨手執巨冊厚可尺許常則挾一珠盤以從其後二人奔走氣促而笑聲格格涕泗俱出入門秦俯其腰以手摩腹置冊余前久之始忍笑而言曰財主君已數日不事鈎稽故神志恂恍與人言語均弗欸洽今吾姊妹挾此寶物以至君可右執珠盤左繙簿計與親愛之金錢求生活勝於愁對吾輩萬萬矣姬言至此余乃知其相與笑謔之故竊計余之此來其意固在假資於戴此類簿計初不可以不睹因陽爲冷語曰謝汝汝乃深知吾意竟能弗勞誥誠代吾勞勩會心人固宜如此也姬聞此語揶揄益甚余不顧啓其簿計涉日流覽精神頗極專壹簿計中詳誌不動產之歲入可得十數萬金苟取十分一二資余游費已可不虞竭蹶更何待於求多也審覽未已金姨慕自身後攫之以去力擲於案曰此等瑣事詎宜

於新瘥之後。焦勞思慮。秦姊亦殊不能解事矣。余重違其意。即亦皮置珠盤於案。曰。吾亦未嘗樂此第恨無人相代耳。曹爲金姨所侵。謔浪之態。驟斂兩顴。頰若丹霞。星眸閃動。嬌怒之狀。如掬此時。菊奴驟爲冷語。曰。余固謂吾輩欲行何事宜。先咨稟主翁之要人。今兩姨以專擅。若此。僅受言語懲罰。猶云幸矣。曹方怒無所洩。聞菊言。立唾其面。曰。汝爲何人。乃亦肆其簧鼓。須知此間無汝發言之地。當俟承歡侍寢時。爲枕邊之私語耳。金固不歉於菊。至此亦反戈相向。詢其要人之言。何指舒掌。欲搯其頰。菊知不敵。越衆投余懷。際哽咽。言曰。渠輩無人不欲以吾爲俎上肉。吾雖託於此間。實無地置此顏面。第願主人仁恕。慨爲雪衣之放。俾得少延殘喘。則有生之年。皆爲禱頌。吾主之日。倘必視其蹂躪。至死弗爲之所。則孱弱之人。未必不爲猛烈之鬼。當於吾主之前。就死訟吾仇於地下也。言時。淚落如縻。沾漬余之懷袖。襟袖皆濕。雲鬟零亂。脂粉狼藉。彌露可憐之態。金姨洵洵不已。詆其狐媚。曹常亦嬌怒叱咤。似欲與之決首爭命。余旣

未。能。深。悉。致。變。遠。因。而。調。停。之。說。亦。苦。無。從。啓。口。乃。期。期。艾。艾。爲。稊。稜。之。語。曰。
汝。輩。欲。爲。仇。敵。請。先。取。我。生。命。無。爲。紛。爭。若。此。余。言。雖。發。喧。囂。之。際。亦。無。復。有。
能。聽。之。者。而。身。際。之。菊。奴。嗚。咽。尤。甚。此。時。此。境。余。以。局。外。之。靈。魂。入。此。煩。惱。之。
軀。壳。諸。君。視。余。將。何。以。排。遣。耶。

第五回 不速客衝破娘子軍 老渴羗傾倒新醅酒

余。素。不。工。迷。信。呼。天。誦。佛。之。聲。屢。以。愧。慙。不。能。出。之。於。口。乃。爲。羣。雌。所。困。喉。乾。
咽。燥。議。圍。迄。無。望。其。或。解。余。不。忍。其。虐。遂。呼。曰。皇。天。后。土。慈。雲。大。士。苟。拯。蟻。命。
出。險。沒。齒。且。將。頂。禮。此。語。既。發。果。有。援。軍。從。天。而。下。壯。游。之。僕。小。喜。忽。自。門。外。
突。圍。入。手。揚。名。刺。呼。曰。吾。主。速。出。有。客。蒞。止。廳。事。鵠。候。吾。主。相。見。余。大。喜。過。望。
諾。聲。未。出。足。已。先。舉。然。身。際。菊。奴。則。且。固。握。春。纖。如。械。囚。人。如。牽。獵。犬。如。縲。蒼。
鷹。梏。余。衣。袂。不。釋。以。頭。搶。攘。余。之。胸。際。嗔。目。呼。曰。壯。遊。：。汝。離。此。室。一。步。妾。誓。
以。頸。血。相。濺。諸。姨。聞。余。欲。遁。亦。各。運。其。靈。妙。腕。舌。或。橫。身。阻。余。或。交。口。詈。小。喜。

糾糾桓桓似慮余之一出弗返者。

余知。遣此。多數。強敵。弗力。鼓其。銳氣。必無。潰圍。之希望。迺。力屏。菊奴。於側。奮拳。及於。白姨。之面。爲欲。擊狀。白果。歛避。余喜。狡計。已售。騰步。以出。小喜。亦解。以手。援余。余驟。獲助。一躍。數武。不自。知其。神速。耳際。猶聞。怒詈。之聲。與涕。泣之。聲。間作。囂然。如沸。差幸。逐北。之師。不及。則惴。惴之。念。可釋。此時。余尙。不知。廳事。何在。盲行。如夢。小喜。自後。呼曰。吾主。誤矣。客方。坐於。前廳。吾主。乃折。入廚。次何。也。余急。致解。曰。汝言。良確。吾爲。羣吠。所囂。幾於。看朱。成碧。矣。於是。復左。折行。乃忽。覩一。院落。有人。遙自。內出。瞥見。其影。竟爲。弟余。之阿。姊。余知。所行。又誤。欲詢。此僕措。詞至。窘然。此僕。已趨。余側。導余。前行。有頃。乃至。廳事。此時。余睹。來客。宛若。出死。入生。重逢。隔世。者。甫睹。客面。熱淚。幾迸。客方。負手。仰觀。壁間。畫幅。聞余。步聲。急回。其首。爲寒。暄之。語。曰。壯遊。君數。日弗。見。君乃。消瘦。至此。艷福。之。苦。人若是。哉。余初。未睹。此客。似有。萬千。胸臆。欲與。之爲。傾倒。者。際此。則百。端交。集。苦思。有。

頃○竟○無○片○語○客○顧○余○微○晒○愈○爲○諧○語○曰○君○竟○不○念○故○人○弗○至○余○家○一○傾○積○慄○余○將○罰○君○爲○東○道○未○識○能○破○慳○囊○否○

余○曰○可○然○舍○此○一○語○又○不○能○爲○廢○續○蓋○此○客○之○來○余○之○悲○喜○交○集○矣○讀○者○諸○君○試○思○此○客○果○爲○何○人○何○以○甫○覲○余○面○即○爲○諧○謔○嗟○乎○此○客○蓋○非○壯○遊○之○知○交○而○爲○武○光○之○舊○識○客○非○他○固○卽○予○我○身○外○之○我○餉○我○窘○絕○之○境○之○成○氏○志○仁○諸○君○試○思○余○也○當○此○能○勿○瞻○前○顧○後○欲○掬○肺○肝○相○告○而○苦○於○無○能○陶○寫○乎○志○仁○凝○注○余○面○良○久○余○之○神○經○忽○覺○躍○動○不○止○於○是○苦○覓○溫○涼○之○語○以○飾○臧○獲○耳○目○無○何○小○喜○承○余○命○以○酒○馘○至○志○仁○持○杯○痛○飲○一○如○曩○昔○蓋○余○與○志○皆○耽○麴○蘖○醉○鄉○之○中○往○往○偕○探○樂○趣○至○於○玉○山○頽○倒○然○後○乃○停○酒○戰○不○謂○此○時○飲○未○數○醕○忽○告○瓶○罄○小○喜○遽○進○餐○飯○余○咄○之○則○以○家○釀○已○罄○告○蓋○戴○氏○恒○不○欸○客○不○得○已○而○舉○行○此○典○已○爲○特○殊○之○禮○若○長○鯨○之○吸○則○焉○能○忍○痛○聽○客○故○此○僕○所○爲○皆○爲○壯○遊○取○締○酒○人○良○法○奈○余○苦○於○不○知○前○事○仍○呶○呶○致○索○此○僕○知○余○變○易○故○常○不○敢○復○守○

曩○誠○遂○取○酒○一○罍○出○供○主○客○雄○飲○而○肴○蔽○之○屬○亦○復○稱○是○余○意○大○愜○與○志○觥○籌○交○錯○談○噱○甚○歡○至○於○燭○盡○見○跋○猶○弗○令○其○別○去○唯○余○胸○臆○之○隱○終○苦○不○能○傾○吐○言○笑○間○時○露○愁○狀○志○仁○似○解○余○意○罷○酒○呼○餐○顧○語○余○曰○今○夕○風○月○甚○佳○君○不○可○不○借○余○一○履○原○野○以○消○清○絕○之○景○言○既○促○余○畢○飯○握○手○要○與○偕○出○

第六回 悟當前滄桑過眼

貪渴睡蠢僕抱關

余○蟄○床○第○未○一○週○其○辛○苦○昏○墊○視○閱○一○世○紀○者○尤○甚○驟○聆○志○仁○要○余○偕○出○大○類○里○兒○聞○將○觀○劇○腦○神○先○開○跳○舞○會○也○成○觀○余○之○神○采○飛○動○微○哂○謂○小○喜○曰○爾○主○今○夕○弗○歸○宜○爲○敬○謝○諸○姨○勿○更○待○其○侍○寢○此○慧○黠○之○幼○僕○聞○言○掩○口○而○笑○已○而○向○余○咨○白○以○徵○成○言○信○否○成○不○待○余○啓○口○復○爲○迫○促○曰○行○矣○哉○失○此○機○會○牽○裙○者○至○矣○余○思○先○時○窘○狀○不○覺○頰○溫○如○火○知○有○頰○顏○之○呈○露○亦○不○解○何○因○而○有○此○態○第○覺○余○足○猛○進○不○欲○須○余○命○令○已○別○戴○氏○而○去○門○外○風○物○如○故○田○疇○未○改○余○已○彷彿○吹○笙○王○子○悵○然○洞○中○七○日○矣○志○仁○自○後○擊○余○肩○曰○武○光○：○君○今○自○視○與○

昔何若故人。昇此佳境。頗足饜君奢望。否。余曰。僕摯感君能爲僕。易窮骨爲俗。骨然感君。尙非其時。以日來蛾眉之陣。能以四面楚歌相迫。吾願之酬。正未知何日也。成曰。富人廣田自荒。本自乖違。人道君即小德。出入似亦祇爲隨分之酬。醉乃遽疲於奔命乎。余聞言。心脉跳盪。惶遽不能自止。期期曰。君何爲而有此言。他人苟亦行此。僕將何以自慰。僕之所以渴欲與君把晤者。卽以此等失着思之。生怖君尙以余爲樂耶。成覩余之皇聳。吃吃笑不止。距余輩數武。森林一簇。篩漏月影。如莎林中飛鷗。突起鳴聲。與笑聲相間。令人眙愕。久之。成始含笑慰余曰。君幸毋以焦急自苦。凡諸所慮。余悉布署。妥貼都無損失。弗余信者。君歸試偵其事。果有謬誤。余當力任賠償也。余聞言。果少寧謐。復前行。及於曩日佇立之所。志仁指以示余曰。君倘憶於此間。有一愛國之新少年。曾駐其迹。今其人豹隱。不出聲華。歇絕於戶外。略與君等君亦頗念其人乎。余際此又生陵谷滄桑之感。涕下交頤。不知何自嘿念。人生如寄。卽塊然。

之。軀。壳。時。至。亦。弗。戀。我。而。身。外。之。物。寧。能。俾。我。長。存。者。思。及。此。信。步。所。之。都。忘。
酌。富。輒。聞。志。仁。呼。曰。君。之。所。思。至。矣。毋。更。躊。躇。宜。卽。速。入。人。之。念。君。亦。如。君。之。
念。彼。也。余。爲。所。驚。倏。如。夢。覺。仰。首。凝。視。星。月。燦。燦。凝。射。余。面。當。前。則。雙。扉。鎖。煙。
修。竹。拂。於。垣。外。蕭。蕭。作。響。秋。氣。逼。人。殊。不。可。耐。扉。上。標。題。猶。爲。余。之。手。迹。然。風。
霜。剝。蝕。似。已。成。爲。陳。迹。點。綴。余。之。敝。廬。也。志。仁。徑。前。扣。扉。第。聞。老。僕。甄。懷。惡。聲。
應。曰。此。時。夜。漏。已。下。誰。來。爲。此。瑣。瑣。攪。我。高。年。清。睡。門。已。下。鏽。孰。能。爲。汝。啓。閉。
余。素。深。惡。此。僕。之。慙。時。欲。驅。之。他。去。憫。其。龍。鍾。昏。憤。輒。復。隱。忍。弗。言。今。聞。此。語。
怒。殊。莫。遏。逕。以。拳。擊。扉。際。以。寄。其。忿。甄。懷。聞。聲。愈。怒。所。蓄。小。犬。阿。花。亦。唁。唁。狂。
吠。似。助。其。威。勢。者。志。仁。柔。聲。言。曰。老。甄。余。將。煩。汝。啓。關。余。聞。汝。主。挾。有。清。恙。焦。
灼。殊。甚。今。特。要。得。善。醫。者。至。此。倩。其。一。視。此。君。佇。立。久。矣。言。旣。畢。始。聞。此。僕。徐。
作。嗽。聲。繼。聞。劃。火。聲。曳。履。聲。延。緩。幾。及。數。分。鐘。乃。見。燈。光。自。門。隙。出。研。然。有。聲。
雙。扉。始。闢。讀。吾。書。者。須。知。吾。家。非。似。海。之。侯。門。而。閤。人。之。可。憎。若。是。余。知。要。人。

之庭。其不容吾儕輕履者。若輩之爲祟。甚於疇鬼也。余既至家門。雖啓不敢遽入。志仁曳余之臂。一如前狀。笑謂余曰。此家主人爲吾良友。以有奇疾。不獲倒屣以迓君。既來此。余將代爲肅客矣。於是翼余以入。

第七回

疑雨疑雲故廬重返

非人非我病榻相逢

小婢秋芙。慧黠解人意。聞客非時。至蟄身屏角。竊竊窺伺。余俛首至。臆怯如新婦。芙知志仁爲余良友。已飛馳而出。呼曰。成少君何數日不至吾家。吾主臥病渴念成少。甚矣。成急睨余而笑。奮此小婢曰。佳哉。汝主乃念我乎。我今披星而至。固爲不負吾之良友。此一問一答。語極尋常。詎知余之疑霧。迺卽緣之而起。茲時余弗及論。第論當前之婢。覺其依戀成氏。至爲摯密。而主人在側。乃昧若陌路。唯以澄澄秀目。凝注余面。大類偵探。窺伺罪人者。志仁指余示之曰。此先生深嫺醫術。余敬要之。至此汝速請命。主母導至病榻。俾使施治也。余聞言及吾妻如觸電。流戰顫。不能自止。秋芙見狀。微哂。旋即馳去。余與余妻別。雖數日。

契闊不啻經歲渴盼其出相與握手繆綢以舒胸臆乃自顧余身儼然戴氏妻素持禮若一冒昧烏可哉繼思即不獲通欸曲但得一見顏色亦足聊慰飢渴遲遲又久吾妻乃竟不出唯聞秋芙嗷呼甄懷須臾老僕趨入以茗餌至餌爲余妻所製雖非枵腹亦從事大嚼志仁若爲主人促余飲啖余主人乃處客位思之足資噓料然吾人生存世界苟能常開笑口其福殊非尋常也又久之甄懷熱炬而出請命志仁乞代表其主招待醫士入室斯時余居然幻爲醫士越中庭詣寢室簾鈎微動復覩余之房闔余妻已蟄於榻後臧懷獲芙分侍左右懷傳余妻言言家鮮男子乞恕接待弗至余心默應之曰卿乎誰斥汝之接待弗至者唯冀汝有幸福不至墮入不幸地位則余心滋慰矣此時志仁爲余致遜詞甄懷卽拂坐具乞余至榻爲其主人診治於是余日弗敢瞬聲弗敢出足縮縮似拘攣弗敢步嗟乎嗟乎余以自由之人自顧入於至塞之境目的未知何在而困難乃至無藝余微睨視榻中人之面目余之軀壳

初未或改唯目瞼閉合鼻氣齁齁類鼾睡者志仁陽呼余字似試其醒寤與否
余之答詞幾欲出口驀自警曰武光：汝若襲汝固有之身則武光之字唯汝
所有不則他人當自署爲壯遊也余心轆轤之際榻中人已開醒目微睽志仁
似應非應旋又閉合弗睇甄懷自側僂言曰吾主長日如是令人慊慊欲絕先
生誠論此病果當愈以何日抑或無可瘳之希望耶余本不知所對不意志仁
偶注吾面忽脫口而出曰此病愈之至易余有靈劑一服即可瘳愈於是回顧
志仁曰前勞君所携之藥裹此時頗可適用即煩檢出余親睹其服餌効力當
立見也余爲此言似非經心而出亦不知何從以藥裹畀志大類語由天造而
藉余口以發心所欲言者乃不知道隻字所不欲言者竟傾倒而出也志仁聞
余言果自懷中出藥一裹授余余開裹不知所擇任取丸劑一服畀甄懷令以
湯液輸送甄持詣榻似咨白於余妻微聞余妻似亦許可於是此僕乃持樽奉
藥進諸我之軀壳余方惴惴慮其謬誤而樽已及其口第聞噎嚔有聲藥丸已

達喉際。渠乃力擊其目。灼灼視余。余不覺目亦與注視。而志仁之視綫。則上下於余。兩人。之身際。卽此刹那之頃。余又覺身欲傾仆。急勉自持。修覺熱氣勃勃。直自腦際上出。

第八回 醒離魂生平歷歷

傾別愔情話濃濃

余起化蝶之莊生乎。抑豈來歸之丁令乎。余恍惚之頃。猝一啟目。而此身所處之地位。又易。是時余一自顧。依然故我。我身復臥。我榻擁我。衾欹我。枕捫。搔頂上。我之髡髮如故。頂中之蠹如螺髻者。又不知其何往。余憶戴氏之事。如夢如幻。如泡影之倏逝。第覺琴書四壁。燈火熒然。婢僕當前。故人在側。咸繞榻次。與余相對。而其中巋然列坐爲衆人所屬目者。蓋卽僞飾之醫士。而爲先時余所棲託者也。余拭目欲起。竊慮形神旣復。互易苟彼。妄發一語。則吾事滋敗。然腦神之中。百端交集。竟不耐爲被池之蟄。歛披衣起坐。欲索一語。以爲與人酬對之起點。顧諸人環伺儼然。指視交集。若燃溫犀。而懸秦鏡。慙忤間驟聞婢僕愉

快○之○聲○紛○然○並○作○志○仁○拊○掌○曰○何○如○吾○固○謂○戴○先○生○之○能○生○死○肉○骨○也○余○念○戴○素○不○以○知○醫○聞○方○冀○吾○友○諱○其○姓○氏○不○謂○志○仁○矢○口○而○出○似○故○爲○余○發○其○覆○者○然○甄○懷○之○輩○初○無○他○語○戴○亦○異○常○沈○嘿○尋○志○仁○邀○戴○出○戴○忽○謂○甄○懷○曰○汝○主○已○愈○第○宜○靜○攝○數○日○勿○勞○藥○餌○也○余○聞○此○語○宛○肖○醫○士○口○吻○竊○喜○爲○余○彌○其○罅○隙○第○戴○何○以○能○爲○此○語○意○亦○如○余○之○言○藥○裹○皆○爲○志○仁○之○術○所○貫○注○特○假○吾○與○彼○人○喉○舌○以○爲○留○聲○之○機○耳○余○妻○知○客○已○違○寢○室○急○至○榻○前○詔○甄○懷○從○志○仁○後○善○爲○祇○應○甄○噉○應○去○妻○乃○舉○燈○周○囑○余○面○殷○拳○之○意○殆○難○揭○藥○（十年空買如花貌一病方知結髮情）余雖貧不能蓄姬侍而離魂奪舍似又非可名之爲病然戴氏後房風味則嘗之已倦吾妻又實視余爲病者時余撫斯二語念境則不同而情實楔合愴然興感皇皇欲涕余妻伺余不報益睇余面不瞬忽啜泣曰噫誤矣誤矣

立○奔○出○呼○甄○懷○惶○遽○迫○促○足○觸○闕○履○綦○幾○脫○甄○懷○不○即○至○妻○出○而○復○入○吃○吃○詔

秋○芙○令○其○傳○命○丐○客○母○去○芙○諾○而○往○有○頃○即○返○爲○懊○喪○之○聲○曰○二○客○出○門○甫○逾○半○分○鐘○若○疾○追○猶○可○及○惟○甄○伯○已○閉○關○下○鑰○滅○燈○高○臥○呼○之○則○以○猙○聲○相○向○謂○職○非○夜○巡○宵○已○過○午○實○不○能○不○於○睡○鄉○涉○足○婢○子○甚○懼○主○母○盼○注○過○返○復○命○堵○石○漬○露○滑○不○留○趾○脛○骨○受○躓○楚○痛○欲○絕○矣○余○妻○聞○言○躁○急○益○甚○搓○挖○其○掌○如○將○狂○易○先○時○余○尙○昧○其○皇○駭○之○故○不○知○所○慰○至○是○始○悟○彼○與○余○言○一○未○之○答○或○疑○余○病○未○已○又○以○服○藥○而○增○新○病○故○欲○維○繫○醫○士○冀○有○南○針○之○錫○旣○聞○成○戴○皆○杳○故○焦○灼○滋○深○耳○余○旣○爲○此○揣○度○遂○爲○最○懇○摯○之○聲○曰○吾○愛○！○卿○何○弗○來○余○側○與○吾○一○叙○契○：：言○至○此○忽○思○吾○身○初○未○與○之○暫○離○何○爲○言○契○闊○當○此○銀○箭○催○更○寒○星○窺○牖○夜○闌○人○靜○彼○已○不○勝○恇○怯○若○更○因○此○一○語○窮○詰○所○以○則○形○魂○互○易○之○事○彼○實○未○之○前○聞○聞○之○必○將○愈○生○駭○駭○於○是○欲○言○復○止○惟○余○妻○聞○余○能○於○發○言○適○之○迫○切○狀○况○忽○如○疾○風○吹○雲○頃○刻○都○盡○立○就○余○之○榻○次○柔○聲○詢○問○亦○頗○類○有○十○年○契○闊○者○此○時○盈○盈○玉○筋○擊○臉○而○下○漬○於○余○之○襟○袖○余○亦○不○自○知○其○酸○惻○酬

以淚眼蓋喜極之悲。悲乃正爲喜之代表。特余以無端之幻想。生此奇境。致令親愛之人。櫻茲痛苦。捫心內訟。竟覺無以相對。乃出手與之力。握曰。卿宜勿憂。余身初無疾苦。若以余故。有傷卿體。余雖健康。亦殊不足自慰。卿其知此意乎。余妻聞言。嫣然一笑。似甚感余之誠。惻者而愁絕之秋。芙則鼾聲作笑。

第九回 悶葫蘆鴛鴦甘獨宿

睽琴瑟鴻鵠悔雄飛

余與余妻絮談刺刺如話。十年長別語時。頻以日爲周。矚覺吾家寒素。雖與戴氏判若霄壤。而別經數日。頓覺琴書服御。在在皆足。生余留戀。以至余妻之鏡臺。妝奩。似亦各興無量之電力。與余眼光。心理訴合。莫可名言者。無如斜月窺窗。殘星明牖。荒鷄喔喔。徹於四野。余知良夜將逝。因促余妻就寢。妻慘然曰。妾樂與君共話。睡眠固非亟亟。然言時。頻爲呵欠。疲勞之狀。達於極點。余爲柔聲曰。吾愛。一余二人枕上。亦可作深談。寧必端坐如泥。爲無聊之晤對耶。此言甫發。余妻緋紅暈頰。燦若小桃。初放情狀。令人可念。余意動。攬之懷袖。爲緩結束。

謂之曰。余與卿結褵。數載閨房之中。何事不可相共。今亦奚必爲此陌生之態也。妻聞言。顏色蹙變。力相支拒。如猝遘強暴之及者。余出不意。貽愕駭視。不可名狀。因詰所以見拒之故。妻無言。頰顏乃及於頸。余知當有它故。終欲祛此疑霧。於是咨詢益切。妻不得已。乃曰。此事君豈不知而乃煩人。覩縷病中之語。君當亦憶之也。嗟呼。讀者諸君。余未嘗病。奚來病中之語。余妻所謂其將何從。索解。苟以不解解之。度其語必有足以傷妻之心者。特余苦不知。余妻知之。靳而不言。令人沈悶欲絕。此時驀得一解嘲之語曰。余之病時。神志昏憤。縱有開罪。卿詎不能相諒。寧忍斤斤計較耶。

此言既出。妻顏始少霽。徐曰。非不知君在病中。然回思其境。令人愧赧無地。須知妾非夜度娘。及抱衾與裯者。今雖君爲若是。繾綣妾意。仍將獨宿也。言既流。目盼余。似已獲其鑒。宥第不欲轉圜。過易啓余輕視。此亦婦人之慣態。不足爲余妻異耳。時余心脈忡忡。慮其圭璧之躬。或因余而含垢深願。得一語以爲決。

則其成。其敗。雖無可挽。而扣槃捫燭之苦。庶幾可免。於時躊躇至再。乃誓言曰。卿今何忽言及獨宿。余意疇昔之夜。擁衾偎暖。並枕聽更。光景依依。可念奈何。今乃爲是不情面目乎。余妻聞言。啞然一笑曰。君真如醉如夢。妾自君遭此疾。未嘗與君同榻。昨宵之事。何因而至。蓋當病起之初。妾欲侍側。以相調護。輒受君之屏斥。故妾別設一榻。與君相隔。蓋已成爲習慣。今君顧乃覺其不慣。何哉。余旣獲此解剖。內念之愉快。莫可究詰。竊計志仁厚我。乃竟無微不至。苟非彼之潛移默化。此儻未必不以隱痛予吾也。第欣慰之情。初不能令吾妻窺見。因復陽爲歉仄。力自引咎。曰。吾病昏憤。誠負卿之繫愛。惟冀卿能諒我。勿以爲過。則感深沒齒矣。妻猶不可強之。至再乃許。暫以抵足。循吾意而請益之舉。尙當須之。異日余自知軀壳之咎。皆爲余咎。正如積弱之國。猝遇強鄰。要挾欲弗履。行其種種條約。外交之事。必致決裂。固不得不出於承認磋商。可分許鐘。吾妻乃轉爲歡笑。余念好奇一念。發生種種窘境。百端交集。幾無泛應之術。而又舍。

去志仁以外雖親愛如吾妻者亦必不能干預所求目的尙遙遙未赴其弊已至於此倘使舊遊更續則變態又當不知何若思及此頓覺豪氣消磨深悔如繭自縛將俟志仁之至取消前約余妻知余未寐亦轉側不已迨甜鄉同涉而已憧憧曉日紅徹幢櫺矣

第十回 驚異術滄海懼橫流 開幻境傾樽施狡獪

余家居已越旬日余妻視余動作如平人欣慰之餘感念志仁不能已因力趣余詣其家伸謝悃余哂曰吾家應謝彼者寧止此事此事詎足爲彼異耶妻固要余余乃出旣抵志仁所志躡履出迎因握余手相將俱入笑謂余曰故人爲君謀者何如趙璧之完當非君之始願所及其將何以謝我耶余曰渥荷吾友愛覆感何可言君有何種命令敢不効其犬馬志哂曰僕亦焉事多求第願訪君時有如淮之佳釀足令渴羌膏其饞吻足矣吾曰君飲苟或未鑿奚事弗爲請益余輩相忘爾汝寧復若彼財虜之吝於供客乎志曰余固知君非其家之

保家令主故以此言相戲且所懷者他人之慨亦何憚而不爲哉於是相與縱笑且置酒與余共飲飲次志謂余曰君已久別菊奴諸人亦頗復憶之否余曰僕與渠等雅無情素何因相憶志仁哂曰苟非余之嚜爲呵護君豈坐懷柳下不思嘗鼎一臠者余洒然曰君術亦自可怖偷弗以道行之未必不足以助狂暴雖然僕之所志未達而忽焉故我未免爲德不終矣

志曰君果欲行余術固仍無恙第慮遠別萬里壯往者或爲兒女悲耳余指誓天日期必無悔志仁徐頷其首復勸余飲惟余此時思潮起落倏若絲棼恍惚已見余又臥於病榻余妻作無可奈何狀繼又似見余已重化壯遊拂拭行裝將適異地金白秦常諸姨牽衣頓足雜出嬌憨之態以爲白駒之繫正難排遣而菊奴驟挾一并州利剪驀至余前先以剪斷其雲鬢繼復吞聲泣曰主翁家食若輩欺凌良善猶尙如此今歟焉遠出吾身旣未分明羣侮勢將畢集吾思受人凌虐亦死蚤日自裁亦死死等耳與其遲毋甯速遂以剪劘其喉喉裂血

花○飛○溢○侵○及○人○面○余○惶○懼○無○措○白○姨○又○發○聲○曰○賤○婢○一○今○日○乃○以○死○挾○其○主○以○
吾○視○之○果○爾○直○不○啻○死○一○犬○甯○足○怖○人○者○余○聞○言○頗○憎○其○悍○且○菊○之○與○余○雖○無○
肌○膚○之○愛○而○花○殘○月○缺○即○在○俄○頃○亦○復○誰○能○遣○此○者○此○時○余○方○失○聲○悼○歎○驟○聞○
耳○際○有○人○驀○呼○曰○武○光○一○武○光○日○此○間○地○匪○邯○鄲○乃○欲○借○盧○生○之○枕○頭○尋○黃○梁○
中○悲○歡○離○合○耶○此○聲○著○於○余○耳○儼○若○春○霆○之○震○余○因○徐○徐○審○視○乃○知○輟○杯○之○頃○
已○入○夢○境○呼○余○者○非○他○蓋○卽○對○飲○之○志○仁○爲○此○適○人○之○鐸○而○余○則○化○蝴○蝶○爲○莊○
周○也○余○知○此○等○狡○獪○必○又○爲○志○所○弄○刺○刺○怨○其○惡○作○劇○志○怡○然○曰○君○自○深○情○綿○
邈○觸○處○皆○成○沾○滯○何○尤○於○僕○僕○固○謂○君○不○宜○遠○行○君○必○堅○於○自○信○庸○知○遠○行○弗○
易○少○試○之○且○立○蹶○也○余○窘○於○辭○唯○乞○終○身○北○面○斬○其○調○護○志○仁○亂○以○他○語○曰○新○
炊○已○熟○盧○生○曷○不○飽○飯○余○乃○迴○視○案○上○果○已○具○餐○志○仁○舉○箸○相○屬○臨○餐○余○幾○不○
知○何○味○而○余○僕○甄○懷○已○伺○於○門○蓋○余○妻○以○余○新○瘥○懼○或○傷○於○麴○蘖○故○蚤○遣○其○相○
迓○耳○餐○旣○畢○此○僕○遂○就○余○耳○道○此○意○志○仁○睨○余○而○笑○似○哂○余○之○兒○女○情○長○者○余○

聞言唯俛其首以避志之視線志狂笑曰君盍歸休遲恐尊嫂咎我我不能任受也余思將與余妻相別而情絲縈篆忽焉又及皇皇焉淚幾欲墜懼爲志仁所見強爲歡笑曰余尙更思與君深談何爲下令逐客志仁不答遽闔其扉行數武猶聞芙聲吃吃也

第十一回

貌合神離獨悲遠適

醫來病起又講臨床

余妻雅善詞翰能爲小詩斐亶可誦處家接物亦有方顧於邪許之唱歌靡嫖之跳舞自由平等之神經病離婚參政之夢囈語乃百無一長木癩本病余不知其病而好之未足以與時賢道也當自成氏歸來逆知此度別離必難期以時日他人之別則臨歧握手送遠揮巾噉噉喁喁淒淒切切所以傾別愆而寫離憂者可以共相陶寫余之別離其格獨創事前旣弗令預聞臨時又難於相告病軀在榻征魂已遠後此魂消異地迺爲余一人之所獨而娟娟吾愛方謂天胡不相又令藁砧罹此疾苦也思及此頗滋歉仄雖強歡笑精神落寞殆甚

余妻未明其故。強博余之諧。噓余憐其誠。懇矢口歎曰。嗟乎。余今體滋不適。且晚恐。又將病。病則重。爲卿累。當復如何。余妻聞言。顏色頓蹙。猶力爲慰辭。曰。君口無擇言。必以頽喪之語爲樂。妾甚願君永無災晦。毋復如前日之怖人也。言時。容色慘厲。可想見其柔腸百轉。繼乃恍若有悟。曰。君前日之病。軀實愈於戴醫之手。今曷不乞成氏懇其復蒞。苟先事防維。預杜病機。之至甯非佳事。言既瓠犀。展露似自慶其得計者。余聞言不覺以心自語。曰。佳事佳事。恐汝之眉稍心上。從此多事矣。妻見余意躊躇。更爲愁態。詢其言之當否。余無以應。姑領其首。於是相將就寢。階下蛩吟唧唧。冷月窺牖。以入。皆似爲余增其惆悵者。妻既鼾睡。余盈懷別緒。苦不成寐。蓋知戴氏既來。不啻爲余折其河橋之柳。余妻顧乃引爲上策。不亦大可憐耶。

余心轆轉。旣倦。不知於何時睡去。旣寤。索余妻不得。張目四顧。則曙色初開。余妻梳洗已畢。督促秋芙糞除庭內。皇然如恐不及。余招之入。不入。且曰。君昨宵

眠蚤今亦當蚤起以吸天空清氣少頃醫來可免衣裳顛倒也余聞其果又召戴深恨先時弗爲沮尼惟冀戴或它出不卽赴約猶可少緩須臾母病不意甫凝想間甄懷匆匆趨至白其主母謂成先生驟聞吾主疾作悔其不應恣令縱飲殊抱不安老奴至其家時渠尙未起聞欲懇其召醫立就盥沐倉卒而出今當至矣余妻聞言喜甚而余則頓增一重愁霧悄嘿以待深慮志仁卽至則驪歌之起必邇而余妻之深盼切注與余之意適反似覺拯人苦厄之白衣大士卽爲志仁化身也俄而外戶剝啄志竟挾戴蒞止妻趣余速招待余意殊怏怏蓋壯懷固難自挫而兒女之私亦人情所不免也然亦不能弗與志面趨起以就廳事志仁覲面已知余意舒其銳厲眼光週視余面似哂余無斷制之力者余氣沮垂頸不敢仰視驟聞壯遊爲駭異之聲曰噫！武光君！君色殊不佳竊慮舊疾必將猝發雖然此病之來於生命初無關係第宜靜攝勿邇女色則愈亦當速余知此言當亦爲志所發縱顧司空見慣卽亦弗以爲異惟念余妻

聞之憂痲當不可堪自問良無慰之之策乃余妻已遣甄懷出詢端緒壯游大言曰汝主前途必無危險余敢矢言無誑第宜甯謐俟其自愈毋爲自擾可也甄懷諾諾而退余乃敬待志仁之動作果也不逾分許鐘余身又覺與戴交換志仁挈余以行余遂復別余家以詣戴氏而軀壳之若何驟病非余所及知矣

第十二回 驚白足當門魂飛域外

說霞膏身世神往宮中

余於余家及戴氏忽忽皆如傳舍三數日間風景不殊人面忽改正類水中鹽味親嘗者乃獲詳諗不足爲外人道也然念涂徑旣熟困難遂亦少已出余家別志仁行循路所已經奄忽抵戴氏此時余竟昂然直入不復怯慙如曩狀惟余心雖以此家主翁自命而內廷之曲折終苦不甚了了信步所如忽抵菊奴寢次菊奴時方濯足雙趺瑩玉纖瘦不盈一掬余素癖於蓮步凌波羅襪恨不擎之掌上使作旋風之舞彼龐然之廣步雖亦風尙所趨矜言捷足以吾視之訝然於太華峯頭矣菊似知余憐其婀娜微舒纖腕故爲掩抑余倏憬然覺其

越分急鎮軼想翩然欲逝菊已盥薇著趾水聲滑梯徹於耳際見余將爲驚鴻
翩影躡足於履當關而立發爲獍笑曰吾知常婢熒惑主翁旦夕領略蓉城風
味今當赴其成約置失時者於不顧此地屬於長門永巷無怪貴人返駕也余
初不解一臨此家窘境即追蹤而至欲求解免惟有速謀遠遁則於避囂之計
域外之觀皆能兼顧余亦胡爲出於濡滯者思及此俛首攢眉蹀躞室內如蟻
之旋磨菊疑余心石轉忽微語曰吾兄昨從城中來攜得雲南大土一顆其重
不知幾許吾嬲索之將以供君之吐納今已煎鍊成膏芬芳濃郁色香味三者
俱勝君亦願見之否言時目注余面亟呈德色不知余之生平素與鴉膏無往
還菊於其若何甘美持以夸余不啻執育者而強之爲視又烏從而答其所問
者然菊之詞鋒乃殊未已復曰此物當烟禁之前價值雖昂購之尙非絕難之
事今法網高張烟霞受錮貨之者有誅藏之者有罰丁茲阨運乃竟獲此得勿
視爲寶貴乎

蓋吾兄爲查烟委之。僉從是委。固隱君子而又善於攫金者。其至民家能以官僚氣焰使人畏如盜賊。故吹簫之客一與遭遇。雖重閨深闥莫能倖免。而無辜之波及則尤指不勝僂。此委所獲若膏若土若燈檜諸具。旣弗付之焚燬。亦弗獻於公家。惟於辦公室後另闢祕密房。權藏之。皮之以備。乃公之鯨吸吾兄。曾言其中所蓄以之設一絕大煙肆。至能撐拄數年。無憂不足。則其搜羅之宏富。可想而彼因得乞其主人。餘瀝出以贈吾君。試觀此清芬觸鼻者。肆中甯有此物耶。言時取一宣窰之樽。置余前。手揭其蓋。俾余審視。已則展其纖蛾。凝笑以待。褒嘉之至。余睹厥狀。頗惜其以明珠投闇。急欲出一言以相告。語謂吾今方病逆雅。不能嘗此味。第慮此言一發。則彼意立拂。又將逢怒。方踟躕間。忽聞窗外有人爲譏刺之語。曰怪底阿喜傳言。主翁已歸。詎意乃於此間留滯。吾尙一燈痴對僕僕。籤罩之間。以待臨蒞。不亦令人失笑耶。余聞語聲清銳。兼帶怒意。知其爲常姨。至止此時已苦菊奴相逼。無可對付。而生力之軍。忽又掩至。咸欲

趣人身涉黑海快其推波助瀾之意余窘極不復能爲顧忌急改詞曰敬謝雙方厚意愧吾不敏實不欲與阿鶯相狎卿等之所籌備仍祈留以自享毋更苦人所難也此言既發驀聞鏗然有聲磁片飛及余額余驟驚顧而菊奴之面目已如黑人

第十三回

膏沐一施黑人出世

義旗大舉綵勝迎風

余稔菊奴之面初則大駭繼而狂笑蓋菊奴怒余不畜擊其霞膏之盜使之不留餘蓄盡以傾瀉漬膏盈掬忽舉而拊其面面光黑於漆狀絕可噓余忍俊不禁笑已亦不敢復施解釋急趨而出懼一經濡滯則葛籐徧體行遁殊難也倉猝間爲檻所躓幾等暗殺家之犇逃情狀菊所居蓄有獅犬一頭顧余趨步非常狺狺而吠余蹴以足其吠愈甚此犬齒牙銛利忽噬余衣衣裂飄如蛺蝶余惶急甚呼人相助菊奴荷其淋漓面具手操白梃嘍嘍而出曰十方神聖靈應昭著凡屬負心之人鮮不立有果報者嗟乎余所藏之烟汁晨間胃痛皆未嘗

侵其一滴何圖此時已成甌墮是犬吾之所愛故爲主人復仇也然語雖如是
挺已及犬之足犬釋余轉而吠菊菊奮挺鬥犬白足騰蹕履飛數步外蓮瓣入
於泥塗矣余幸脫於獒口覬菊不備馳出其院驀與一人相觸額崩然有聲腦
際恍開跳舞大會八音於以競奏方欲矚來者爲何人此人驟舉渾員之物以
擊余面余蹲踞於地以避其鋒員物自頂躍過墮地鏗然聲乃視烟盞尤清脆
此聲未已又有正方之物及員如筍體者連珠飛至余念此軀雖非余有而暫
時之附麗固不能聽人傷毀遂蹲地呼救且以手護此顛額有頃飛舞之物已
戢其威余露目斜睨地上則玻罩燈盤以及小磁罇諸物狼籍滿地余知讀吾
書者不俟余之辭畢即當知此擲物者之爲何人
惟余當局者迷轉訝飛將軍天外飛來不得不舒吾目以審其爲誰氏此時余
日甫舉瞥見一人含愠而立頂前之髻上插方勝飄搖風際大類戰勝之國旌
旗颺舉此人窄袖纖腰禪散不裙下覆天然之趾趾跟頓地得得有聲雌虎之

威得此六寸員膚氣燄益熾朱櫻墳作窩形一見而知爲女界之隱君子膚故爲烟所槁值此盛怒青白作鐵色血輪似已凝轆此即吾目所見燬棄一切烟具時之常姨也諸物雖皆已如金甌之碎常之韜怒猶未盡洩申申怒詈亦不辯其何詞余念官中令甲方且庀錄黑籍獎借蠲滌之輩而余則以不耽燃吸乃動娘子軍之聲討眇眇之躬介於兩大一波未平一波繼起竊計此際重來曹白諸人猶未覲面倘列強羣起伺釁吾身糜矣思及此欲覓一窟以自韜匿不意常姨之後森森嬌面環伺攢簇意中所怖已悉蒞止余惶駭愈甚知十面楚歌方在未已潰圍之策乃竟茫然無着前此余之救主屬在小喜今小喜之蹤影竟與余之眼簾脫離關繫余之困苦一至於此余摯愛之良友志仁胡乃未通心電耶余渺慮窮思忽得一救急之策急起立曰常姨！汝且勿囂余有一言祈卿速決夫余夙具此癖一旦拋棄豈真果決若此第以適時聞有最新之令甲爲吾計或爲諸卿計皆有所不可故甯舍此不近耳常姨急掩其耳示

不。欲。聽。白。曹。爲。解。紛。之。語。曰。姊。宜。姑。妄。聽。之。果。其。具。有。理。由。不。妨。更。事。商。權。否。則。吾。輩。當。悉。能。力。共。謀。對。付。不。虞。主。翁。勢。力。之。巨。也。常。乃。徐。下。其。手。似。俟。余。爲。芻。蕘。之。獻。余。故。爲。期。艾。之。狀。曰。噫。一。此。禁。若。犯。余。實。不。勝。痛。苦。諸。卿。試。一。揣。之。

第十四回

詆虛文雌兒橫議

談烟禁太謊驚人

常。姨。瞋。目。如。鷹。合。掌。以。向。天。曰。吾。甚。望。天。下。之。負。心。人。備。受。種。種。痛。苦。官。中。果。能。率。行。此。等。禁。令。吾。意。滋。快。宵。有。憚。於。聞。者。余。曰。不。然。卿。亦。烏。知。余。之。痛。苦。卽。爲。卿。之。痛。苦。乎。第。余。之。痛。苦。在。身。卿。輩。之。痛。苦。在。心。以。此。區。分。畛。域。耳。常。姨。布。指。於。頰。爲。挪。揄。之。狀。曰。羞。一。羞。一。人。之。不。知。自。量。胡。乃。至。於。斯。極。已。則。令。人。銜。之。刺。骨。而。望。他。人。憐。其。痛。苦。有。是。理。乎。余。啞。然。曰。卿。自。不。知。痛。苦。何。事。無。怪。若。弗。介。意。苟。經。余。之。道。破。而。不。面。紅。心。悸。者。余。方。信。卿。真。健。者。也。常。搖。首。大。言。曰。今。日。烟。禁。雖。若。甚。嚴。而。公。署。私。家。恣。吸。者。猶。多。於。鯽。調。驗。固。屬。具。文。檢。查。祇。飽。慾。壑。我。雖。不。出。閨。闈。昨。聞。鄰。姆。來。言。有。地。甲。小。董。者。家。設。迷。龍。之。局。而。藏。芙。蓉。

仙。子。於。後。幕。城。中。差。吏。訶。之。費。去。墨。西。哥。數。尊。而。膏。黑。燈。紅。儼。然。故。步。卽。此。一。事。而。論。誰。謂。官。法。如。爐。足。以。寘。烟。徒。於。熾。火。者。言。至。此。白。姨。亦。爲。森。冷。之。語。曰。姊。言。大。誤。今。之。差。吏。雖。舒。掌。取。錢。者。如。故。而。已。美。其。名。曰。委。員。曰。法。警。曰。書。記。錄。事。姊。乃。猶。呼。之。爲。差。役。主。翁。將。謂。吾。輩。不。通。曉。外。情。矣。曹。姨。亦。曰。今。日。新。立。之。名。目。大。都。更。易。其。上。方。一。字。以。眩。人。之。聞。聽。如。總。督。旣。去。則。繼。之。以。都。督。知。縣。旣。逝。則。繼。之。以。知。事。蓋。猶。襲。取。商。標。者。不。敢。公。然。攘。奪。而。必。少。加。識。別。實。則。後。之。視。今。亦。如。今。之。視。昔。名。稱。而。外。殆。無。絲。毫。之。改。革。不。如。仍。從。吾。輩。習。慣。之。稱。謂。得。也。余。聞。此。新。奇。之。解。詁。頗。訝。爲。聞。所。未。聞。而。牽。強。附。會。之。疵。點。初。不。敢。加。以。指。摘。唯。爲。諛。詞。悅。之。曰。卿。等。殊。能。解。事。吾。心。滋。以。爲。樂。……言。未。已。常。姨。遽。曰。吾。輩。宜。勿。聽。其。游。詞。且。當。詢。以。犯。禁。果。處。何。罰。將。以。質。其。真。贗。也。

余。聞。言。竊。自。計。曰。苟。待。汝。等。辨。其。爲。贗。余。已。鴻。飛。冥。冥。無。可。蹤。跡。豈。懼。發。余。前。覆。者。於。是。大。聲。言。曰。卿。輩。無。懼。蓋。今。之。參。議。院。議。員。謂。鴉。片。爲。弱。種。之。媒。欲。謀。

強種則凡有此癖好者必不宜令留其血胤以禍天下後世故決議通過能蠲癮者務期尅期革面不能蠲除而破壞烟禁者苟情節過重則處以死刑若貸其一死乃有令其不死不生之一法余當更古人之成語敬爲卿輩告曰阿芙蓉誤我我誤妻兒……言至此余故作顫哭之聲曰嗟乎卿輩知否蓋將處吾人之癖於烟者以宮刑使之不能傳種也余言際目視諸人似尤以言之傷文未能立喻復續曰宮刑無他卽爲清之閹監類也此時兩行紅粉聞此言果皆目霍霍動余計大得復謂今日處人宮刑之具購自外人其制略如清時萬元所備之斷頭機鈎薄鬆快解人海綿之質不啻來其之遇刃於是摹繪其狀如曾爲余所親見言者歷歷聞者神悚諸姬震駭之態有非言語時能摹繪者爾時苟得攝影之機余將留取羣雌之肖相以識妄言效果也常姨之貽愕震駭尤超儕輩無以自飾迺詛呪作俑者之將無後余心哂其受賺而不敢露於辭色笑聲幾於衝喉而出強自抑制咳嗽大作爲狀正苦忽見壯遊之姊披衆而

入。呼。曰。吾。弟。何。時。學。此。醫。術。乃。能。爲。人。治。病。今。又。有。人。延。請。生。涯。極。不。落。寞。矣。
余。睹。援。師。已。至。不。覺。欣。喜。過。望。攘。臂。而。出。曰。吾。且。視。延。吾。者。爲。何。人。苟。得。診。金。
歸。當。與。吾。姊。痛。飲。也。羣。雌。囁。於。此。婦。蒞。止。目。送。余。出。不。復。阻。厄。及。余。至。廳。事。甄。
懷。乃。立。於。階。下。祇。肅。執。余。名。刺。以。乞。余。臨。

第十五回

檢莊票大盜不彎弧

泛清波同舟欣共濟

余。獨。對。甄。懷。頗。慮。稔。聞。之。聲。浪。有。以。擊。其。耳。鼓。吶。爾。不。能。出。口。懷。則。前。述。主。人。
病。狀。漸。余。臨。蒞。余。思。倘。更。返。魂。行。期。將。更。濡。滯。且。余。身。雖。爲。余。有。主。權。則。在。志。
仁。譬。猶。傀。儡。登。場。牽。絲。者。爲。所。欲。爲。爲。所。牽。者。無。能。爲。役。也。余。往。診。疾。效。固。於。
余。無。利。不。效。亦。將。耗。余。時。間。初。無。可。言。之。裨。益。思。及。此。託。故。力。辭。懷。不。能。強。懊。
悵。而。退。余。懼。其。復。至。呼。小。喜。入。命。勿。更。爲。通。謁。余。乃。探。得。壯。遊。辦。事。之。室。入。據。
其。中。以。調。查。其。所。蓄。乃。壯。之。簿。計。零。亂。狼。籍。紛。然。無。紀。悉。心。校。讐。而。所。得。者。都。
非。所。求。徒。耗。腦。力。時。間。迄。無。所。獲。適。小。喜。祇。候。室。外。手。垂。肩。下。敬。候。余。之。使。令。

余以言。餽之曰。此間曾有何人闖入。汝宜恣言。毋隱。今余之文簿。亡失矣。小喜微哂。答曰。吾主。昨曾與曹姨。共蒞此間。曹姨欲取莊摺。入城購製金押髮。吾主不許。曹姨怒。抵簿計於地。吾主不嘗責其非禮。而置之於他所乎。余故昂首作思索狀。卽曰。汝言良確。不圖吾之恫恍。一至於此。是宵不令人失笑。小喜復希余旨。以示其勤懇。爲余言曰。奴憶吾主曾取重要文件。寘於鐵箱之中。已加扁鑄。而忘其鑰。曹姨欲乘間以攫取。吾主悟而納諸衷衣之袋。今盍一爲探索。似當可得。

余聞言而樂。如獲瑰寶。探鑰鑰墜地。氈溫輒略無聲息。余故弗及覺。小喜睹之。俯掬以進。余大樂嘉許。益亟小喜得言語之獎勵。樂亦不支。余發篋。銀行息摺。支票纍然盈掬。初時余意壯遊。所蓄僅乃等於尋常富人。觀此乃覺始念。所揣竟爲管蠡。余因取得滙豐支票一冊。嘿揣已足。余用卽亦不復求多。遂命小喜潛延壯遊姊。至囑以家事。且謂將遊滬。瀆月餘。當卽歸里。茲事乞姊秘密。毋令

羣雌致阻壯遊之姊頗諂其弟家食謂非男子所宜得余言喜甚詢將何作兼致愆慮余答將往遊覽且言卽欲啓行以避囂雜於是彼乃囑余蚤歸毋爲花叢留滯頗合長姊之分量余雖諾諾而方寸之中已紛如奔馬私念壯遊積而不散固宜有人爲之流轉俾得損其罪孽然就余而論終覺取非己有於心不無戚戚甚願他時返里優予報酬而此中歉意乃獲消弭也壯遊之姊見余躊躇狀態疑爲猶有所戀因曰余當爲弟安輯諸女菩薩令皆歡喜弟宜趣辦行裝毋更自誤渠等若知此耗能令哥哥行不得也言時別余而入余弗敢挈行李僅取一皮鞞行捷步至村口將買舟入城市舟子睹余面望望然逕去蓋壯遊之弗外出久見稱於鄉鄙舟子聞其名稔其狀至疑呼舟爲相戲故初弗矐就也此時余之身側有人掠過余見其影疑類志仁呼之果弗誤余答之曰君胡亦不余顧乃爲接輿之趨避志仁哂曰余實不樂友闍豎今君將爲太史公胡禁人廣絕交論也余知其以余之讐語相調而訝其前知之捷轉無以難因

乞爲余呼舟交易既成志成指余言曰此村中之財神例不越村外一步今以欲爲汝輩降福故不憚於利涉嗣是往來必將頻數奈何交臂失之也舟子唯應志仁因言亦欲入城有所詣遂同舟往舟中供億頗簡似知壯遊素吝必不能以厚犒及人者余出所攜錢幣命市酒脯與志對酌舟子見余揮霍異於所聞始改容相禮於是余遂暫與此村別矣

第十六回

議員觥觥蒼生莫問

舊遊歷歷故我難逢

余詢志仁入城將何所作志微哂曰余村居久無所事事故思出而爲小商賈余曰奇哉吾友迺竟工於貿遷之術余學識膚末不足以知陶猗良自慚惡志仁哂曰且盡卮酒毋爲輕薄輕薄者宜墮黑籍地獄無能解免君甫幸脫乃又爲豐干饒舌耶余知志言實指常姨秋菊之已事然亦姑置不論詢其爲何商業志復哂曰今者城中縣議事會將開幕此屆選舉僅恃春風一度而議員卽已產育以故握有選舉之權者其票值必能昂貴余以賤入而貴出所盈不啻

倍。蕪。甯。非。生。財。大。道。乎。余。曰。其。人。果。以。金。錢。肆。其。運。動。即。幸。而。獲。駕。焉。有。國。利。民。福。之。思。想。議。席。之。中。得。此。下。駟。尸。其。咎。者。雖。獲。所。欲。其。如。蒼。生。何。志。仁。曰。余。固。云。爲。小。負。販。蒼。生。吾。安。知。者。余。聞。言。雖。不。能。爲。呵。斥。終。覺。期。期。以。爲。不。可。志。仁。痛。飲。不。復。齒。及。似。視。余。之。駭。怪。無。足。生。其。注。意。也。余。頗。不。能。自。忍。呐。呐。言。曰。吾。囊。中。之。所。蓄。罔。非。君。賜。君。果。有。所。需。用。卽。悉。索。之。以。去。於。理。亦。殊。不。悖。奚。事。逐。於。錐。刀。之。末。同。流。以。合。污。乎。志。頷。首。曰。感。君。厚。我。我。當。勉。饜。君。望。我。良。信。君。殊。於。財。虜。第。揮。霍。亦。不。宜。過。甚。耳。此。時。酒。盞。頻。傾。余。不。覺。其。沈。酣。無。節。旣。而。舟。中。枕。藉。忽。焉。熟。睡。於。是。扁。舟。一。夜。小。宿。蘆。花。蓬。背。舵。樓。夢。乃。穩。於。繡。闥。蓋。喧。囂。飽。飫。獨。眠。之。樂。乃。覺。得。未。曾。有。也。舟。侵。曉。抵。城。余。竟。未。覺。蝶。魂。初。返。酒。氣。猶。馥。攬。衣。而。起。志。仁。已。不。知。何。往。余。呼。舟。子。詢。詰。則。曰。成。先。生。於。繫。纜。後。卽。已。登。岸。囑。君。不。必。相。待。彼。苟。不。返。君。宜。逕。行。可。也。

余。遂。付。舟。值。挈。皮。靴。行。入。市。少。少。寘。行。李。懼。戴。氏。有。人。追。蹤。至。急。附。舟。至。滬。余。

主○滬○素○善○流○連○酒○陣○花○場○頗○不○憚○於○涉○足○茲○以○懲○創○後○有○戒○心○佈○告○吾○足○禁○弗○
 狂○惟○余○欲○爲○環○球○之○旅○行○苟○以○一○人○跋○涉○殊○憎○其○隻○獨○余○乃○欲○覓○同○行○之○伴○侶○
 因○以○自○壯○驟○憶○舊○日○同○學○舒○作○賓○滬○人○也○居○在○白○克○路○近○得○其○書○謂○將○遊○歐○洲○
 而○資○斧○苦○不○足○所○坐○之○病○與○余○絕○相○類○此○時○余○既○得○資○挈○之○偕○行○亦○良○得○思○及○
 此○舉○首○瞥○見○鏡○中○之○影○困○難○之○問○題○又○見○蓋○余○友○舒○氏○乃○爲○武○光○之○友○而○非○友○
 於○幻○化○戴○氏○之○武○光○者○此○時○余○卽○詣○彼○覲○面○初○弗○相○識○余○遇○故○人○故○人○乃○訝○余○
 非○廬○山○真○面○余○其○何○以○自○解○且○余○爲○舒○之○同○學○解○衣○推○食○誼○所○應○爾○壯○遊○則○於○
 舒○氏○爲○風○馬○牛○又○何○因○而○前○者○余○既○挾○此○思○想○縈○繞○胸○中○幾○不○欲○爲○造○訪○既○乃○
 思○得○一○策○以○余○名○作○一○手○書○爲○現○在○之○余○作○介○紹○書○中○略○言○戴○壯○遊○富○於○資○欲○
 得○一○人○爲○司○筆○札○挽○以○遠○涉○甯○家○之○費○無○所○吝○吾○友○視○戴○不○妨○卽○若○視○僕○蓋○戴○
 與○僕○雖○兩○人○如○一○人○也○書○既○竟○余○覽○之○吃○吃○自○笑○以○書○尾○之○語○不○啻○自○陳○供○狀○
 又○念○壯○遊○筆○札○未○知○尙○屬○何○狀○苦○憶○其○家○簿○計○中○之○行○草○不○能○記○其○彷彿○因○自○

感曰汝勿過事拘墟作賓度非偵探當不以筆勢之相同發汝奪舍之覆也此時余意大定立緘封呼車出旅館親詣白克路車駛如風須臾即至余雖年餘未至滬而舒氏之門則猶依稀省記門內紫籐一樹蔓引出牆今值秋暮籐花弗存枝柯猶裊余至門命僕停驂前扣其扉而扉內忽有異聲直達余之耳鼓而入

第十七回

隔院聞歌功同談虎

柔荑着頰氣欲吞牛

諸君亦知余所聞之聲何聲乎此聲非他即爲滬上最流行之哀絲豪竹令人流連忘返者也門之左右車馬亦夥如示人以時方宴會余知此聲既起必有鳳窠羣女當筵按曲余畏女子如蛇夫人之所喜而實余之所深畏非余故與人情相遠以此聲一發余遂立覺戴氏諸姬如臨余側前喁後于恍然心目所受諸苦歷歷來潮蓋室中所傳聲浪歇而歌場酒陣無端又遇能弗生其惕息耶僕夫見余到門不入疑余初度履滬迷於途逕白眼向余獰索車值余哂而

與辯爭持益烈不獲已乃噉呼閨人門內笑聲喧闐如弗聞者俄而聲漸近有類女閭妝束者自門內出後從妓傭爲抱樂器余睹其面似曾相識不覺凝注弗已僕夫則猶在旁曉聒故故與余思潮相亂余苦思與妓相值之時竟不能得而釵光鬢影倏已及余身側余驀憶此雌酷類常姨而服妝之濃淡殆無一弗與常相脗合顧常蟄居深宅距滬遼遠余違戴氏者方及數日常雖驕縱何敢竟至此間賣笑思及此疑衣服面目偶同斷弗能如吾前之所料不意屬思之頃余方低首忽有溫膩之手掌觸余耳際此時柔荑着於耳輪香澤雖沾而痛楚殊甚於是月痕深印膚裏鶯嗔燕叱之聲忽發余自審不知何因開罪致又於微波未通之時更罹挫罰審聽其語顧爲僕夫所囂不能致辨此時主人適出送客顧余在其轄境而爲羣魔所苦諦視余面又非素稔卽嗔責閨者命驅余與僕夫及妓屬之道旁印捕余見其人正爲余心所欲訪之舒氏作賓卽呼曰舒兄幸弗惡作劇余已躬爲羣犬所噬方待主人拯拔奈何助紂爲虐氣

焰逼人乎。

妓聞余呼之爲犬嬌怒益甚掌及余頰詈曰咄！汝背吾出遊樂迺靡極然樂極者亦當少受苦惱尙敢詆謫他人乎余聞此言已知當前者果爲常氏此等行逕實爲蒼鷹反擊之計欲以欺余眼簾者予惡其狡欲獲其色身示人之據目視四周冀得抱器而奔者爲證人乃當吾前者衆頭蠕動獨不見靈龜之牙爪以意揣之當早見幾遁矣余旣失此折辯之資氣迺驟斂而羣吠紛靡益甚余因出余所書之札排衆上之主人主人受函立爲余斥僕夫使去復慰勸常姨謂余甫至此間初非徵歌選豔者可比女士若是寧非誤會常復含睇睨舒然後矢言弗誤舒故爲余解免久之始悻悻去然余受此影響於其去後頰顏若霞矣厥後余返戴氏迺知余行後常陽返其母家抵滬行桑中政策戴之得常故未與其母家判絕故流弊遂至於此此時余竟爲戴受阨不亦冤乎常去後余心知其粉飾然隱忍不能宣布舒邀余入合樽促席略不涉及前此事

座客詢詰皆答以他語。余心迺少安。謚飲次。座客互通姓氏。中有一客翹首壁間。弗睹其面。獨未與通語。余乞主人介紹。作賓曰：此君君當亦與相稔。蓋爲武光之友。而又君鄉人也。因呼曰：面壁達摩。曷不回其顧盼。君家鄉人至矣。此人聞呼。始徐回首。不待余之諦視。遽舉其腕以蔽余目。大聲曰：余爲秋菊禽。得逋寇。必捉將。閨裏去。施以懲治也。余展轉不獲自脫。而心則跳盪不已。

第十八回 飛行機簇簇翻新

漫游隊星聯璧合

此人吃吃笑曰：壯游！君遊誠壯然。不求於我。則游終不遠。我有利器。足以裨君。君迺失之交臂。抑又何也。余曰：我聞其聲。不見其人。在勢固難自介。言至此。此人釋手曰：我友汝所欲睹者。非有四目兩口。異於恒人。第智數勝耳。余睨其面。喜曰：適從何來。遽集於此。前此不告而別。令人盼死矣。此人啞然一笑。與余握手。其人非他。固惠余之良友。志仁也。志仁告余前此遘行之故。則以曾與一友製造新式飛艇。將以乘之。至滬須志偕行。志慮其久俟。因不待余寤而逝也。

余詢飛艇何在志曰少須當任君縱覽今且示君以艇主可也於是復指坐客中之願而長者一人言曰僕當敬爲君介紹此卽飛艇新發明家單君超西也先時余已與單互換名刺第未知其製造之學至是因復盡吾周旋之誼與之握手單深目隆準酷類西士晤談之頃輒爲深視狀態足表示其用心至邃章服雖襲西裝而自頂至踵殆無舶來原料以是知其愛國之心甚摯不襲志士皮毛也

超西亦嗜杯中物而香檳勃蘭啤麥之屬則皆未嘗入口謂吾國自有佳釀無煩提倡漏卮此夕主人爲單特設汾陽白墮與志同酌得余爲不速之客其興益豪於是座上笙歌悠揚未已他客雖與余輩接席然攀香摘艷各適其適偶有酬酢亦弗由衷而出余覲得此暇卽叩單君之艇之構造單亦樂於陳述因言製艇之初甚以航空者易墮墮而易構危險爲非策迺發明此艇俾於飛行之外兼能行陸行水一旦有急則無施不可雖有颶霧弗憂危險故此艇之制

雖亦略師成法而三善俱備則非成法所能有似視昔賢矩矱殊爲完密也余聞其言夸欲見之心益急當筵諸妓亦各與客爲耳語似咸欲挾其好奇之心冀一開眼界者主人舒氏遂代表座客向單請願單辭以醉且謂舒曰聞君將偕戴君爲游歷家不佞弗揣妄欲附驥倘獲允許當卽駕艇以往余不待單之承認極表贊同之意於是單迺趣令具餐餐罷導余至舒氏後園園極空闊先時舒曾辦學以爲操場此時維繫飛艇寬然綽有餘地園中迤東一角編植叢菊龍鬚鱗角臨風吐葩桂樹數株植根牆隅雖復過時餘馨猶茂深秋淑景余皆不及詳審惟中央度置一物宛具艇式其長約可丈許高廣則視長徑爲殺所具御風之葉亦視常製爲異金颼拂動似挾飛騰之勢將翥碧霄此蓋卽爲單氏所創之新式飛艇也單顧余輩指示艇腹四輪謂無論若何下墜此輪觸物立能凸出艇腹拯其艇以至於夷坦若沈至洋面則艇前之葉亦能以代槳櫓之用無憂及溺余素不明機械之學單雖口講指畫不啻良師之誨弟子而

顛。禺。如。余。祇。亦。張。口。結。舌。隨。聲。唯。諾。莫。克。領。其。奧。窈。客。中。有。卒。業。於。美。洲。飛。艇。學。校。者。獨。嘖。嘖。稱。異。謂。其。製。之。得。未。曾。有。餘。容。以。及。羣。妓。展。覽。固。亦。猶。人。而。贊。揚。之。際。殆。亦。如。余。之。竽。吹。南。郭。也。此。際。志。仁。忽。亦。欣。然。欲。偕。余。輩。同。往。單。謂。若。更。有。人。繼。起。艇。之。容。積。將。不。能。勝。若。僅。益。志。仁。則。猶。不。憂。人。滿。志。仁。之。意。得。甚。惟。余。忽。憶。一。事。至。難。解。決。方。寸。中。之。綢。繆。甚。苦。主。人。邀。余。就。艇。旁。之。鋼。椅。小。憩。余。竟。充。耳。若。未。嘗。聞。

第十九回

受壓力痛哭蓮鈎

舞長袖貽笑豔豔

余前不言余爲傀儡而志仁實爲牽絲之人乎余知傀儡於志者非僅一余志仁所筦之絲亦殊紛躋入城入滬余已慮其顧余失彼況乎漫遊海外則登吾堂偃吾床者設有範圍踰越不苦鞭長莫及乎余素具有此等恇懼爲吾讀者所深知際此神經恍惚諸人尙未御空以行余先神魂飛越矣余於離魂一境向已視若慣常是時初與催眠略無關係以故爲時甚暫仍復清醒欲以所疑

告志願。睽睽衆目。良無其罅。韜愁緘慮。爲狀至苦。志仁談笑從容。若弗知其傀。儻向隅牽絲。人當爲設一良策者。嗟乎。余非熒獨之人。而無告迺超於熒獨。蓋好奇之心。旣勝則奇境因緣以生。磁針相觸。竟無一失也。作賓摯意殷拳。見余弗答。關垂益甚。迺更易詞以進。曰。此間秋氣逼人。良弗若室中和煦。君苟以爲不適者。則去此不數武。有一聽香小築。其中具有徐公之榻。可以黃梁一枕。驅酒兵於城外也。作賓言時。蓋距他客絕遠。余迺悟其所言。悉爲余發。亟覓詞以自飾。曰。余適諦思艇之構造。深服單君學術之邃。神有所凝。遂愆致答。幸勿爲罪。志仁僂言曰。作賓夙昔弗諷。多心經君。必毋庸慮。及苟以時慮他人入室者。處此或者誠如尊論耳。余覺志仁語含芒刺。頰不期而自絳。志仁復面余曰。頃吾驟憶君友武光。言至此。忽格格不吐。余心益益焦悚。而志言益益濡滯。久之。乃曰。尙與僕有閩重陽之約。君輩倘能待我。則乞行期稍緩。弗則余當取銷前約也。

余聞言意始略定。故現躊躇色。以詢舒單曰。二君之意如何。作賓趨西。僉曰。茲事當聽戴君之命。余輩固皆依附末光也。余心實冀尼志之行。而又弗欲宣布。囁嚅如不能出志。仁慨然曰。是亦何難解決。吾今自願弗往。公輩無憂寡侶也。既定議。客中有曾孝麟者。自願備具資斧。以補志仁之缺。孝麟蓋卽先是贊美此艇。謂爲得未曾有者也。曾華年方盛。丰姿濯濯。如春日柳。論及學術。似頗富有經驗。惟出語絕。愁狀若少不更事。意其沈酣所業。無暇研究。交際一科耳。此時諸人尙未及答。志仁已爲余輩代表承認。與曾偕行。曾喜躍略如小兒得餅。所召之妓。楚雲立當其後。曾手足舞蹈。履跟鐵齒。遂就楚之纖趾。施其壓力。楚痛極大啼。曾矍然驚。顧足力愈健。楚格以纖掌脛。胫堅勁不可動。楚嘶聲曰。冤哉。儂未開罪於君。……此言甫脫。諸口曾已覺其所踐。溫軟不類。甄礫急曳。其踵凌波羅襪。已有泥痕深印。略同新月。楚詬詈萬方。合掌搓抄足。跌淚下襟袖。瑩如巨鑽。曾自知獲戾。綦重鞠躬謝過。且拂袖欲代按摩之。役楚力却曰。尊腕。

路與飛轎醫生相等一經入握弗死卽僵矣時曾面已頰赤如霞聞言益慚惡無藝雙腕縮縮似無着處作賓時亦俛首以視楚創曾一舉肘又觸作賓金絲之鏡鏡破玻片割及其膚膚裂血出作賓攢眉忍痛狀極可矇而曾之紅暈直達頸際矣於是超西睹曾愴態微睇志仁似悔不應許其並載志仁陽若弗省余與作賓復爲曾慰謂其被酒之後迺致有此疵類倘值清醒當不若是曾氏旣得辯護慚遂少釋而超西之反對已淪於少數固知效力不生矣

第二十回 路直登雲輕裝減從

人憂及地一髮千鈞

志仁與單皆主作賓之家余貪譚叙觀艇後諸客及妓皆去猶戀戀不言別作賓主人情重爲余至旅館取行囊俾余移寓得爲長夜之飲余聞止之已不及遂重整酒陣超西又欲飛箋召侑觴者余大駭色皇然動志仁哂曰渠有畏見雌兒之癖君等宜體之也作賓似憶常姨之事遂勸超西徇余意寢其前議孝麟時已歸取資斧期以翌晨至余輩賓主四人共相斟酌清譚霏屑一洗箏琵琶

之耳。超西則苦岑寂。三爵以後昏然欲睡。志仁諧談雜作風生。四座單之神志。迺獲少振。余飲素豪。前此縈心飛艇。固未盡量。既知目的將達。則心神怡暢。雖爲長鯨之吸。亦所不辭。蓋余飲則必醉。醉則恒不知人。狎以爲常。略無足異。此時亦循例醉倒。俄覺清寒澈骨。天風浪浪。飄拂襟袖。余恍然驚寐。猶憶適間共飲。相與傾樽接席。歷歷可憶。而身之所處。已似不在室內。尤可異者。身側並臥一人。蒙首以衾。面目驟不可見。鼻息齁齁。睡味之恬。殆無倫比。余急披衣起。審爲何所。有人撫掌笑曰。美哉。醉乎。俄頃之間。與人頓判。雲泥誰謂。天路難攀。不能扶搖直上乎。余視其人。迺爲作賓。猶有距余數尺。手握輪機之鈕者。窺其裝服。必爲超西無疑。義余恍然。此身已入飛艇。所見衾中。韜首略等靈龜。縮頸者。不問而知爲孝麟矣。此時余又不忘志仁。固問志臨別時。爲何語作賓。曰。成君。謂其循例不與君別。囑君於飛艇中。毋遊酒國也。

言際因努口向衾中人吃吃笑不止。余詢其故。迺知余洪醉後。諸人鑒於余故。

輟不復飲。掖余臥於客室。東方既高。各束行裝。就道而孝麟亦至。孝麟舉動豪華。所攜用品累累。陳滿一院。超西顧之笑曰。君昔遊學紐約。此種累人之物。亦悉將去耶。作賓亦調之曰。余謂單君當勿譁。嘗此度游歷。孝麟蓋將移家以往。假君艇以運送。君不知乎。超西聞之大笑。會始斥去繁靡之物。仍舁歸於其家。於是余醉未醒。作賓以人挾余入艇。諸人以次入艇。初升時爲勢猶緩。旣出樹杪。遂駛雲直上。地平綫上揮巾以送者。第見白如蝶翅。隨風鼓盪。艇中亦揮巾以答。方紛擾間。孝麟忽顛聲曰。噫。我失此物。我又烏能進行。言時履艇如履平地。直趨超西之側。欲代其勞。扳機以降。不意行甫數武。衣袂驟觸輪齒。俛身解脫。首又軼出艇外。此際風勢方急。艇身微傾於左。盤旋欲墜。超西急轉機軸。平其輕重。而孝之一足已絀。艇牆爲乘馬式。孝惶駭呼救。超西以方筦機猝不及拯。作賓急援以手。迺獲弗墜。然經此危險。腦經震蕩。寒熱猝作。頃卽昏瞽。作賓掖之臥於余側。亦弗及覺。至於此際。尙在茫昧中也。余聞作賓述之。歷歷因曰。

余與曾君足稱二難。殆將君輩累死矣。言時余頗歎仄。且矢言此後不復飲酒。作賓微晒。曰艇中亦復未備此物。雖君有癖。固無從索取也。談話間艇飛馳捷於奔馬。下方城郭屋舍如豆。如粒如煙。令人目眩。超西坐於艇首。手揮目送。狀至碌碌。俄聞呻楚之聲發於臥榻。孝麟方自混沌氏之轄境歸來。遽遽有覺也。

第二十一回

聽水聽風重洋利涉

驅鱷驅鳥比附生新

孝麟既寤。張目見余。輩有忤色。頸筋掣動。猶存餘懼。余前自命爲南郭先生。不謂孝麟雖考證有年。其於此中經驗。仍視南郭先生爲劣。乃知卒業憑證亦多。塗人耳目。也是時天光漸晦。殘陽已落。而皎月未升。作賓已取探空電燈照耀。艇之內外。令其通明如晝。艇外風勢益勁。機械軋軋聲響。至厲驟覺。艇勢低降。因風欹側。雲氣繚繞。侵人口鼻。余念超西曾言此艇製造之良。殊於舊制種種。危險。悉能弗懼。奚以出發未久。睹此非常。將毋英雄欺人。又與孝麟之卒業類耶。躊躇間。目睨作賓。似亦頗滋疑駭。孝麟擁衾未起。險象初未及睹。否恐齒牙。

亦○有○決○鬪○聲○也○超○西○危○坐○艇○首○撮○口○作○吳○鯢○音○調○圓○暢○嫻○雅○若○無○所○覺○艇○既○極○其○低○度○乃○聞○風○濤○之○聲○大○起○浪○花○侵○及○艇○而○驟○覺○劃○然○一○聲○巨○如○裂○帛○此○際○雖○以○蝟○縮○衾○中○之○孝○麟○亦○復○張○首○出○視○示○其○極○端○皇○駭○超○西○裂○裂○笑○曰○吾○輩○已○爲○飛○將○軍○自○天○而○下○今○且○聽○風○聽○水○行○矣○於○是○余○乃○得○悉○此○艇○已○及○洋○而○無○謂○之○疑○懼○殊○足○令○人○齒○冷○至○艇○旋○於○洋○中○宛○與○尋○常○之○艦○無○異○休○息○及○曙○旋○復○駛○於○空○外○在○途○行○可○三○日○許○南○洋○羣○島○燦○然○在○日○超○西○遙○指○一○處○謂○余○輩○曰○彼○中○大○有○佳○趣○足○以○供○吾○輩○之○游○眺○今○日○晡○時○當○置○身○於○彼○中○萬○山○蒼○翠○間○也○余○輩○咸○頷○其○首○期○此○境○之○即○屆○既○而○艇○飛○過○檳○榔○嶼○掠○南○洋○羣○島○而○西○旭○日○晶○晶○激○射○作○金○碧○色○光○景○佚○麗○可○喜○余○與○作○賓○方○共○流○覽○猝○有○異○鳥○翼○若○垂○天○迴○翔○艇○側○似○將○施○其○搏○噬○超○西○指○揮○余○輩○鳴○槍○以○禦○鳥○受○彈○茫○如○未○覺○長○鳴○戛○尾○觸○於○艇○舷○卽○搖○搖○欲○墜○超○西○已○知○余○輩○槍○難○命○中○欲○施○補○助○而○余○輩○無○能○代○其○職○者○余○窺○其○狀○雖○仍○閑○暇○而○靈○臺○之○憧○擾○殆○亦○弗○殊○於○衆○此○鳥○盤○旋○未○已○如○星

之。眸。子。窺。見。艇。中。人。影。知。可。供。其。食。料。驟。舒。長。喙。以。啄。孝。麟。之。頸。孝。爲。沮。喪。之。
聲。曰。君。輩。誰。有。校。中。課。藝。盍。速。畀。之。此。鳥。此。鳥。倘。獲。所。求。必。將。自。去。不。至。令。吾。
以。頸。血。濺。彼。也。余。惶。駭。中。驟。聆。此。語。不。解。所。謂。亦。無。暇。詰。其。何。指。孝。希。望。未。達。
則。以。手。格。此。鳥。與。之。決。鬪。鳥。轉。其。啄。頸。之。喙。進。啄。其。腕。腕。血。流。溢。啄。猶。未。已。孝。
麟。呼。痛。之。聲。至。慘。而。艇。之。搖。盪。乃。至。極。點。蓋。此。鳥。旣。得。豐。腴。食。品。足。據。舷。側。迺。
令。此。艇。驟。增。重。量。余。與。作。賓。欲。燃。火。舉。槍。非。第。懼。傷。孝。麟。且。艇。受。波。及。或。遭。轟。
毀。則。余。衆。且。立。盡。念。及。此。旁。皇。無。策。而。孝。麟。復。呼。校。中。課。藝。弗。已。且。怨。超。西。不。
聽。其。以。纍。纍。之。箱。篋。行。致。彼。乏。挾。持。乃。受。此。鳥。之。厄。趣。入。於。窘。境。也。後。此。余。與。
作。賓。詢。其。需。此。課。藝。何。用。孝。鄭。重。曰。昔。韓。文。可。以。驅。鱷。吾。文。甯。獨。不。能。驅。鳥。惜。
乎。未。嘗。一。試。未。免。我。負。文。章。矣。余。聞。此。始。啞。然。於。其。用。意。所。在。然。未。經。述。及。誠。
百。思。莫。得。其。解。也。此。時。人。鳥。相。持。危。急。乃。至。極。點。瞥。見。超。西。回。面。向。後。以。手。御。
機。一。手。解。其。胸。前。之。鈕。鈕。脫。衣。解。有。光。自。衣。之。罅。隙。飛。出。照。人。欲。眩。於。是。光。線。

所○及○射○孝○而○及○鳥○之○目○激○盪○成○青○白○色○鳥○遇○光○初○尙○不○甚○介○意○繼○則○目○瞼○啓○閉○頗○露○不○耐○狀○未○逾○一○分○鐘○忽○垂○翼○斂○喙○昏○然○若○死○頓○失○其○雄○鷲○之○能○力○孝○麟○亦○淹○然○側○仆○大○類○一○瞑○不○視○情○狀○

第二十二回 大鳥成羣楚歌迭起

迴光返照靈鏡忽疲

余○與○作○賓○目○爲○光○線○所○側○注○亦○微○覺○其○瞽○眩○惟○視○孝○麟○及○噬○人○之○鳥○則○知○覺○未○失○猶○足○以○清○醒○相○傲○超○西○徐○呼○余○曰○武○光○：○君○其○速○以○七○首○刎○鳥○之○頸○俾○弗○得○肆○爪○牙○余○當○更○令○孝○麟○甦○也○於○是○余○勉○自○力○且○要○作○賓○爲○助○割○刃○此○鳥○頸○際○鳥○革○堅○靱○而○余○二○人○手○腕○顫○顫○猝○不○可○入○繼○而○余○竭○腕○力○刺○其○腹○嗤○然○有○聲○腹○裂○血○液○噴○注○射○余○面○幾○遍○作○賓○睹○余○已○得○勝○利○氣○迺○增○壯○刃○亦○入○於○鳥○頸○超○西○知○其○無○復○活○理○遂○掩○胸○際○光○線○俾○弗○外○射○又○逾○數○分○鐘○孝○麟○始○豁○如○夢○醒○劇○呼○身○痛○超○西○哂○曰○愛○克○斯○光○所○及○固○當○有○是○余○非○萬○不○獲○已○何○至○用○是○也○孝○睹○糊○糝○之○血○沾○漬○其○身○則○皇○然○以○懼○旣○審○其○爲○鳥○之○記○念○則○又○欣○然○以○喜○遂○相○與○共○鎮○

驚○顏○發○爲○河○清○之○笑○孝○雖○盲○於○飛○艇○之○學○而○解○剖○生○物○頗○擅○其○長○此○時○共○曳○鳥○之○全○體○入○於○艦○內○孝○麟○乃○法○庖○丁○擊○牛○之○術○逐○其○肌○腠○以○游○芒○刃○須○臾○皮○革○盡○脫○文○章○斐○然○足○勝○一○裘○之○料○苟○製○爲○服○御○度○鸚○鵡○金○雀○不○得○專○美○於○前○也○艇○中○既○有○此○物○重○量○亦○以○增○長○超○西○議○欲○棄○去○余○輩○持○不○可○遂○決○定○降○艇○洋○而○烹○其○肉○以○償○勞○勩○且○當○取○水○浣○滌○面○血○無○俾○染○成○絳○色○致○與○紅○人○類○也○於○是○超○西○循○衆○之○請○扭○其○降○機○將○及○洋○面○忽○失○聲○訝○曰○噫○彼○間○何○物○豈○大○鳥○之○同○類○將○來○復○仇○耶○嗟○乎○以○吾○輩○之○人○力○單○薄○一○鳥○猶○且○不○勝○今○醜○類○合○羣○而○至○其○將○何○以○相處○言○時○頗○現○駭○懼○之○色○余○自○登○艇○後○固○仰○超○西○若○神○明○視○爲○志○仁○第○二○者○今○超○所○言○如○此○余○輩○之○皇○聳○將○何○若○耶○

孝○麟○受○鳥○懲○創○最○劇○聞○又○有○鳥○將○至○幾○驚○仆○於○艇○外○作○賓○自○其○手○中○奪○取○所○持○遠○鏡○急○隨○超○西○線○視○以○爲○遙○矚○亦○爲○駭○絕○之○聲○曰○此○可○怖○之○鳥○羣○何○其○繁○夥○若○以○吾○儕○供○其○食○品○殆○僅○足○給○半○餐○也○語○未○絕○有○怪○聲○如○鶉○破○空○而○至○不○假○遠○鏡○

已見黑影一簇閃灼眼簾之外其行如駛似視吾艇馳驟尤速余顛呼曰愛克斯光何在盍速令其出濟艱險超西手腕靈敏立袒其胸露此救命鴻寶以當猝敵此光既發余輩歡聲大動似慶鬼區返駕可以生入玉關者然倉猝之際艇之機軸忽脫離於超之腕底艇失駕駛能力驟欹側入於洋面於是愛克斯光之光線既不能射敵而傾覆之險又迫於目前諸人相顧無色瞬知死期將近不謂艇初近水艇腹之輪忽能自動俄頃之間欹側之象悉泯余於當時頗訝其爲天幸及事後相憶始悟超西固曾言及其以神奇相訝者實由善於健忘也惟此險雖免而所見之鳥羣亦追蹤而至最前者乃爲人言曰汝輩慎勿傷害吾人吾人來此固無相殘之意倘恃區區科學之勢力行其強暴則後悔當且無量幸速自決從違也余聞此鳥能言因更諦視其狀鳥知此鳥羽毛徧體而面目迺固依然人類而其語言非獨殊於啁啾格磔抑且音吐大類中國略不雜以西語茲事奇特足稱達於極點超西聞言猶未信其意果良善尙思

用其光線第見鳥人爬搔腋下腋毛乍揭衷衣忽現衣袋中亦有光線透露射人眸子劇烈尤甚此時超西驟不及防先即昏仆而余輩則接踵失敗一一泯其知覺雖有無量之機智舉懵然而無所施

第二十三回

電話翻新施脚力

羽衣冲舉駕飛機

吾向訝吾黃帝子孫素有鼾睡之癖當其沈沈恬夢雖有雷霆走銳華嶽壓顛滄海成田龍蛇起陸亦且鼾鼾焉與莊生之蝴蝶柯國之玄駒同游於無懷之鄉大荒之域而不知返余久哀其顛預竊欲進以藥石不謂此時躬蹈其境沈酣中之日月其去滔滔也蓋余與余友諸人既受翼人光線之敝昏瞶不知幾何時忽覺面部森冷有如冰沃急欲啓眸而目眇膠結不可解既而似有人以指爪爲余拂拭余目豁然大啓自顧其身則偃臥於榻上飛艇旣不知何往而生死與共之良友亦無一人在側者第見榻側兀坐一人面目亦類吾輩而溫文之氣可掬頗似富於學養者其人顧余已寤即曰壯遊君：華胥之游樂乎

鄙人敬俟於此。將與君爲親愛之情話也。余聞言。初不知所答。既乃憶及飛艇墜海。及爲光線所眩。事一經凝想。翼人之態。宛然在目。陰念當前者。究不知爲誰氏。欲致詢詰。頗憚於啓口。囁嚅有頃。終覺格格不吐。此人已知余意。卽以刺進。余曰。武光君。君勿疑訝。

余之先祖亦自中國來。此船舶觸礁歸途。沮滯遂居此島。傳及吾輩。其於中國語言文字。猶列之於專門之學。未嘗或棄。卽以吾輩初晤諸君。而論君亦當知人面雖殊。而音塵不異。不致屏爲非我族類。徒以君友超西。未能相諒。吾儕不得不謀自救。迺致有所開罪。今險境旣去。獲戾之故。寧不自知。故敢敬布腹心。以達清聽。君苟欲加侏罰。蓋亦不敢逃死。言際。目注余面。意極舂容。余固素鮮辯才。而值此難於措對之時。見狀彌窘。展覽其刺署爲華氏。再興字體。雄勁與吾國顏平原書相出入。余因是得間。卽爲溫涼之語。曰。疇昔飛翔過我者。固君也耶。嗟乎。倘似今日相見之狀態。則誤會寧至於是。蓋惟君等弗以真面相示。

而○余○與○余○友○遂○爲○俘○虜○述○及○茲○事○慚○慙○欲○死○矣○雖○然○吾○友○今○果○何○在○倘○能○釋○令○相○晤○則○感○君○嘉○惠○良○非○淺○鮮○再○興○哂○曰○君○友○今○俱○健○在○敝○國○初○未○加○以○侵○害○惟○曾○君○孝○麟○其○人○似○有○神○經○之○病○外○交○家○懼○其○有○所○妨○害○議○將○送○之○醫○院○餘○人○當○在○救○治○中○也○余○初○不○知○孝○麟○之○病○何○在○繼○而○思○及○其○人○情○狀○意○其○必○又○滋○生○笑○柄○足○以○生○人○疑○駭○故○此○中○之○人○加○以○美○謚○也○躊○躇○之○頃○再○興○復○曰○君○之○諸○友○今○當○已○卽○清○醒○盍○卽○招○來○聚○語○何○如○余○曰○甚○善○再○興○起○就○室○隅○以○足○頓○地○參○差○錯○落○凡○數○十○響○卽○聞○地○下○有○聲○琅○然○如○風○過○簫○依○稀○可○聽○再○興○屬○耳○壁○際○可○逾○兩○杪○鐘○卽○謂○余○曰○君○友○已○將○至○此○頃○余○已○得○其○室○之○電○話○君○友○亦○甚○念○君○也○余○聞○言○知○其○電○話○之○傳○不○以○口○而○以○足○其○視○吾○國○舊○製○繁○簡○疎○密○實○不○可○以○道○里○計○惟○此○電○若○何○製○造○與○若○何○因○足○而○成○語○其○故○殊○難○索○解○余○亦○不○欲○窮○詰○其○異○故○示○人○以○謏○陋○也○俄○而○超○西○作○賓○果○皆○同○至○此○室○復○有○招○待○二○人○偕○其○戾○止○再○興○一○一○爲○余○介○紹○迺○知○其○一○爲○施○氏○醒○生○一○爲○鍾○氏○邦○彥○前○此○飛○行○隊○中○二○人○皆○

與其列。余輩雖未與之識。面而施與。邦彥固已蚤能識余矣。寒暄既畢。再興迺出錦袱一啓。示余輩共視。袱中所蓄。則爲羽衣一襲。翼足俱備。而中藏機括。種種略一動撥。靈敏活潑。幾欲御風而起。超西諦視良久。深歎其製巧絕覺。飛艇之構造。竟瞠乎其後。

第二十四回 小中華追陳祖德

迎賓館欲駕葵車

語際再興趣。命設筵以款余輩。筵間布置略同。中土惟主賓坐次。則沿於西式。所陳肴品。海錯爲多。知其所居近海也。列坐既定。醒生爲余言及其國開創之始。原因極爲奇特。先時醒生之祖曰一鳴者。浙之錢塘人也。與再興諸人之祖同乘船浮海。遇風觸礁。舟猝覆。同舟免者僅十餘人。醒生邦彥之祖及所攜之女。探險家與船主耳。再興之父亦在衆中。諸人或附浮礁。或抱漂木。或緣舢板。得以不死。風旣定。則同儕星散。死生契闊。各不相知。越數日。始少少復聚。得一礁石。疊成之島。相率棲息。復得船中所遺穀種。播種墾植。以謀生息。而女探險

家○知○不○得○歸○遂○亦○自○由○匹○偶○爲○他○時○蕃○育○計○距○今○百○年○前○此○間○猶○爲○荒○島○今○則○人○烟○輻○輳○儼○成○國○度○矣○語○至○此○超○西○固○詢○此○國○何○名○再○興○曰○吾○邦○人○士○以○中○華○爲○母○國○故○定○其○名○曰○小○中○華○聯○邦○此○邦○政○體○純○主○共○和○而○舍○施○鍾○華○三○姓○弗○滋○他○族○蓋○初○來○之○時○其○人○皆○爲○吾○輩○祖○禰○其○間○更○無○異○姓○也○超○西○又○詢○其○國○何○以○不○與○他○國○交○通○再○興○曰○吾○國○四○塞○皆○暗○礁○舟○船○觸○之○立○成○齏○粉○故○爲○探○險○者○船○迹○所○不○到○且○敝○邦○地○屬○彈○丸○實○無○外○人○託○足○之○地○若○令○喧○賓○奪○主○亦○殊○非○福○故○寧○守○閉○關○之○誚○也○余○微○哂○曰○方○令○萬○國○會○同○即○南○北○兩○極○似○亦○將○在○可○探○之○列○慮○重○門○之○柝○終○難○長○擊○諸○君○且○當○奈○何○語○時○衆○皆○沈○寂○莫○應○於○是○余○復○念○及○孝○麟○懼○其○或○遭○殘○害○數○問○其○所○入○之○醫○院○何○在○三○人○同○聲○應○曰○君○請○勿○廛○念○慮○君○友○苟○有○毫○髮○之○損○者○當○唯○吾○輩○是○問○也○君○須○知○吾○輩○雖○處○異○邦○而○溯○其○泰○初○本○原○殊○弗○相○異○吾○輩○方○喜○足○音○之○遄○烏○忍○令○生○他○故○耶○於○是○余○遂○不○能○復○詢○俛○首○以○飲○樽○中○之○酒○酒○味○甘○冽○芬○馨○四○溢○色○葱○葱○浮○醅○所○謂○竹○葉○青○者○殆○猶○謝○步○余

甫與行吻禮。超西忽以目眴余。面似咎余。弗憶及志仁臨別之言者。余亦自知他人有心。未堪深恃。迺以不能飲辭。主人亦不復強。第見再興首取巨觥吸之。立盡。慷慨言曰。此酒中無酖毒。觀於余之恣飲。當可概見。然既已見。拒烏能相瀆。君其努力加餐也。於是傳呼具飯。及至則纍纍盈盃。皆爲黃梁。再興出席言曰。此穀實爲吾祖探得。此島時之紀念。故每逢宴客。例必先出供客。而麵包白粲。皆處其後。蓋當播穫穀種時。梁實先期成熟。故至今以爲嘉穀也。余輩聞言。迺爲恍然。是日賓主盡歡。余與超西作賓。遂爲連牀之話。述及孝麟之事。互相揣測。終莫明其神經病之所謂。天旣曙。再興已至。要余輩出遊街市。余輩方欲探其醫院所在。以覘孝麟蹤跡。皆欣然承諾。於是再興呼人具湯沐。及晨餐。腹旣果。侍者入告。葵車已駕。余初聞方疑耳。誤及出視。則弭於轅下者。果爲黃耳。兩頭並爽。俊可喜。再興顧余曰。吾祖至此舟中。未攜馬種。唯獵犬數頭。尙慶健在。乃庀其牝牡。時其調養。日令孳生。茁壯。然後教以馳驟之用。今服習旣久。有

至吾宗邦見驥駱之服車箱者恐轉傳爲異事矣。余輩於是始明棄馬用犬之故。及升車犬從容進退果皆有度。初猶徐行弗駛。及數步以外則奔駭絕塵。掣於飛電。雖有追風之駿足度亦未足突過其前。

第二十五回

論文字痛談薄俗

聽清歌詆斥新聲

此邦街衢平坦途中悉以蠟粉碾築。彌望皚於霜雪。余輩所御之車亦爲白色。雙螭皆披素飾之韉。與地同狀。苟值冬季當疑山陰道上來也。市中商店林立。而外人所設之肆與夫舶來之品則如鳳毛麟角絕弗一覩。蓋此邦之人嘗飛行及於他國而他國飛行至此者。余輩實爲鼻祖。故無異域賈胡也。車所行處凡遇學堂工場再興皆導余入視學堂。所習首重吾華文字而東西之文皆弗注重。余詢其故。答曰：君知一國興亡嘗視文化爲進退乎？英吉利之於印度日本人之於朝鮮欲取其地先滅其文。文滅則智昏。智昏則俗化。彼言文學無益。人國與夫數典忘祖。襲人皮毛而棄己精華者皆墮人殼中不自知其喧賓奪。

主也。僕與數年前嘗一至中華浙省求吾祖之昔日所謂鄉俗者渺不可得。蓋已漸趨歐習。恨不舍國籍而隸異族。比客歲一遊閩廣。其間有所謂……言至此搔首作回憶狀。曰僕第憶爾時有人研究社會之學。高言無父子。無夫婦。無宗族。無聖賢。受種種喪心病狂之論。衍其宗旨。謂爲西哲哲理大同良導。而不自知入於禽獸之域。墮於地獄之底。陷於危亡之境。其間推波逐流者。且從而附和炫其新異。吾甚哀其忘固有之國粹。爲人道之蝨賊。使我母國如於暝眩之際。復增狂易。謂非不善取法自棄所長之咎耶。

余聞其所述。恍然悟曰。君所言頗類心社之宗旨。然今日吾國亦羣知其謬妄。斥絕不言矣。雖然。君謂國人第當注重祖國文字。意固至良。唯泛應竊恐不足奈何。再興哂曰。君慮不足。泛應耶。吾母國之人材。果誰能足於泛應者。豈第習哀皮西帝之口頭禪。及自由平等之新論。調卽令國基堅固。強鄰懾服耶。蓋一國之語言文字。其能流傳久遠。家喻戶曉者。必經千百十人之閱歷之研究。乃

得著之於奕。禮後人。膚末。詆爲無用。無怪愈趨愈敝也。且君初至敝邦。敝邦之政治學術。今當已略睹其概。吾國人雖不敢以凌美跨歐。驅輿策亞。自詡唯論及文藝。則斷不能舍長從短。受人轉移。言至此。余輩皆頷其首。復觀其他學科。大抵皆根據於其國之所固有。而參以東西學說。余頗服其用意深遠。參觀既畢。別校中諸人。出乘車前行。及中央博物院。再興復。要余入院中。陳列之品。極富。埃及之石像。羅馬之織畫。希臘之雕鏤。瑞士之時計。以及或蝕於土。或沈於水。或投於火。或燬於兵之種種。難得可寶珍物。莫不搜羅盡致。無遠弗屆。余乃知此邦之人士。其號稱閉關者。蓋以杜人窺伺。而其足迹且徧天下也。最後至一室中。陳汽車。汽舟。飛艇之屬。分別部居。都凡千數百種。而超西之飛行艇。亦居其列。余輩顧之。愬然動色。以憶敗衄情狀。則此艇之陳設。大類俘虜之品。三人之面。不期皆赤。再興已窺其意。急指他物。期淆余輩視線。守院者亦會再興之旨。故故事其優渥之招待。似俾吾人相忘於江湖者。於是四人迺於院中。午。

餐餐時佐以清歌歌者所謳其音調略同於三唐之韵語而沈鬱頓挫極盡姿態與叫囂陋劣之聲迥異不圖祖國之廣陵散乃忽遺於此間余意大樂竟忘志仁之誠擎杯痛飲駢指輕扣斐几以應其節雖有酒監在側無如渴羌何矣

第二十六回

夜郎自大病入神經

羈客思歸謀生怯篋

設謙之頃院中忽傳總統蒞止超西方肅然欲起再興急致詞曰總統亦爲邦彥君之疏族殊平易近人聞佳客至方欣然欲爲結納君若拘於儀節則殊失其就見之旨作賓曰是亦何能總統一國之望吾輩焉敢苟簡於是咸出席致敬已而總統入再興前爲余輩介紹一一接見如禮至余則余已洪醉一足爲案所躓幾將爲商羊舞超西擁余以肘幸免顛越施氏命余入賓坐躬代再興爲主人其人氣度軒爽豁達頗不涉於驕嫚談次忽顧余輩言曰頗聞客之同行者有四人今何尙缺其一再興微笑與作耳語即大聲曰博士汝殊示人弗廣盍召之使至共與斯謙再興唯唯出傳其命已而車聲鱗鱗及門而止闔者

入○白○客○已○迓○至○乃○見○一○人○蹇○步○而○入○面○目○頹○敗○形○神○慘○淡○大○類○離○襪○之○鶴○余○與○
作○賓○瞿○瞿○驚○視○乃○辨○其○爲○共○相○縈○注○之○孝○麟○於○是○華○氏○邀○孝○就○坐○謂○之○曰○君○固○
佳○士○惜○乎○學○養○未○致○深○受○人○之○疑○忌○余○至○爲○君○惋○惜○余○聞○此○語○乃○悟○孝○麟○果○有○
謬○點○乃○來○神○經○病○之○諂○然○睽○睽○衆○目○即○亦○難○於○詞○費○此○時○再○興○亦○以○他○語○相○亂○
遂○置○此○事○弗○齒○席○間○孝○麟○不○飲○不○食○狀○若○果○有○精○神○病○者○施○氏○談○笑○風○生○且○力○
勸○客○飲○醕○孝○乃○少○少○投○匕○然○一○舉○又○類○新○嫁○娘○之○宴○會○狀○愈○可○噱○也○是○日○余○飲○
至○酣○乃○歸○寓○不○復○遊○覽○余○榻○固○與○超○西○相○接○中○夜○超○西○謂○余○曰○君○知○孝○麟○又○演○
奇○劇○乎○

余○聞○館○人○相○告○當○余○輩○自○飛○艇○遇○險○後○再○興○諸○人○遂○入○艇○執○縛○余○輩○而○以○邦○彥○
管○駕○駛○艇○不○能○容○則○仍○留○餘○人○於○艇○外○與○艇○並○進○駛○至○國○中○賓○艇○博○物○院○留○余○
輩○於○接○待○之○館○此○館○蓋○即○余○輩○所○處○者○也○余○輩○既○入○此○間○再○興○諸○人○遂○各○施○其○
手○續○促○余○輩○之○清○醒○邦○彥○適○治○孝○麟○孝○乍○甦○即○大○聲○斥○邦○爲○暴○客○邦○笑○語○以○故○

且調之曰君與君友皆墮吾輩掌握今雖傳君飛翼當亦不能遠行僕甚願少安毋譁勿以獍面向人也孝麟爲謾語曰吾爲天朝人士權力至爲宏偉汝儕今乃加以凌踐余雖躬受挫折然汝輩之禍不遠矣言至此復與余耳語曰君知此中人固非好相識乎孝麟之言如此烏有不思甘心者於是邦彥乃出一紅丸卑辭勸其吞嚥謂可療飢益智孝適苦饑立事咀嚼不虞甫下嚥而神志憤亂如狂易矣余曰然則渠輩所謂神經病者蓋由人爲而非天造乎超西微應曰然然君且宜抑其聲浪勿令他人竊聽須知吾輩果皆在其掌握苟反顏相向者吾輩尙望生入玉關乎余自枕上頷首示意超西復曰今幸孝麟已歸吾輩當謀去此之策尙更遲留或又變生他故殊可危也余曰艇已入於人手而搏風之翼未具奈何超西曰是固不難此艇駕駛之法別有奧窔渠等雖幸得此然一經碇泊即不能更適於用翌晨吾將假託示以用法遂偕諸君御風而遁當可達於目的余搖首頗不以爲可行超復足蹴作賓微告以意作賓亦

曰君弗更言此邦之人令吾心爲之痲吾懼一行此策徒留畫虎之誚終無所濟耳言際壁間窅窅有聲超西疑有竊聽者急起邏視寂無所見回顧孝麟則鼯聲正作甘美無倫超西戟手其面曰余四人中唯渠最樂是真無懷葛天之儔也

第二十七回

招待員披露春風面

留聲機侵奪自由權

超西歎息未綴突有指聲彈於扉上輕脆可聽余輩同儕此時皆在一室戶外來者不問而知爲外人超西微以手觸余與作賓似示屬垣之有耳余二人亦悟其指不期皆嘿忽聞扉外歎曰愚哉大禍將及而猶拒人千里之外苟再踰半分鐘余亦從此長逝矣超聞其言切乃披衣起啓戶一人掩入微睨其狀則風鬟霧髻婉妙如仙爲一佳好之女子入門即顧余曰君一誠篤之士乃亦隨衆盲行欲爲兔脫之策余念吾國治外法典殊爲君危故不辭冒昧願爲君等借箸當勿以爲無因至前也余詳審女面似曾相識然初至此邦所接者都無

女○友○苦○思○其○爲○何○人○搜○索○枯○腸○殊○不○可○得○超○西○作○賓○亦○相○顧○眙○愕○噤○而○不○聲○唯
余○久○不○近○女○受○於○戴○氏○之○種○種○苦○惱○忽○爲○天○風○吹○散○不○留○跡○於○腦○海○窺○女○秋○水
微○飭○朱○櫻○嬌○潤○嬌○艷○之○態○宛○然○欲○滴○余○塵○心○頓○熾○頰○顏○如○火○撞○胸○之○鹿○末○由○自
制○女○顧○而○嘻○曰○性○命○隨○危○死○生○呼○吸○而○猶○粘○惹○閒○情○馳○驅○色○相○吾○謂○君○爲○誠○篤
殊○悔○眸○子○盲○也○超○西○強○鎮○其○神○詢○女○姓○氏○女○曰○朝○夕○相○處○胡○猶○故○作○不○識○且○君
事○正○急○何○絮○絮○問○姓○氏○爲○於○是○乃○曰○君○輩○自○謂○祕○密○而○所○言○乃○已○悉○入○人○耳○亦
思○談○話○之○頃○壁○間○窣○窣○之○聲○果○爲○何○故○乎
此○言○既○出○余○三○人○又○愕○然○矚○視○女○乃○言○曰○吾○國○凡○遇○賓○館○劇○場○繁○盛○之○所○皆○設
有○留○音○電○機○而○以○專○員○司○其○職○掌○苟○有○奸○謀○此○機○立○能○舉○發○適○君○輩○之○所○言○吾
已○誦○之○可○能○成○熟○尙○何○祕○密○足○云○哉○言○時○朗○誦○超○西○與○余○問○答○之○語○無○一○字○遺
余○輩○又○大○駭○女○曰○君○輩○所○謂○祕○密○者○如○此○足○恃○與○否○當○亦○自○知○無○待○余○之○更○贅
今○余○所○欲○知○者○第○問○諸○君○是○否○仍○循○前○策○亦○或○知○難○而○退○別○有○方○針○乎○蓋○禍○福

之。途。實。以。此。爲。界。線。苟。欲。蹈。於。危。境。他。人。亦。無。能。力。挽。耳。余。輩。聞。言。深。悔。前。謀。之。誤。又。懼。事。已。宣。市。挽。救。亦。無。其。方。女。窺。此。意。復。曰。諸。君。果。有。悔。心。則。祕。密。仍。可。共。守。第。此。類。思。想。慎。勿。復。作。懼。更。有。所。洩。無。能。爲。力。也。此。時。余。輩。頗。訝。其。言。之。兩。歧。女。笑。曰。實。告。君。此。間。司。電。機。者。即。我。我。欲。爲。諸。君。諱。固。非。難。事。第。余。正。有。求。於。君。輩。故。不。憚。於。多。言。也。言。際。頰。頰。作。小。桃。色。酒。暈。雙。渦。浮。動。欲。活。余。方。涉。遐。想。作。賓。忽。爲。驚。異。之。聲。曰。噫。吾。輩。夢。夢。殊。甚。迺。爲。君。所。眩。惑。何。圖。君。以。章。甫。之。才。忽。現。女。兒。面。目。乎。余。聞。超。西。之。言。有。異。因。復。詳。睇。女。面。察。其。究。爲。何。人。凝。注。間。超。西。亦。躍。然。曰。君。乃。華。君。再。興。乎。嗟。乎。苟。非。超。西。述。及。余。尙。爲。君。所。誑。也。再。興。睹。吾。輩。之。驚。異。初。弗。爲。怪。且。告。余。以。總。統。施。氏。亦。爲。女。子。蓋。此。邦。習。俗。婦。女。晝。服。與。男。界。同。夜。則。爲。婦。女。妝。以。示。區。別。至。服。官。參。政。與。男。平。等。余。輩。初。至。引。爲。異。事。實。則。此。中。常。態。耳。疑。扇。旣。破。余。遂。進。詢。再。興。將。委。託。余。何。事。再。興。曰。此。時。尙。未。可。言。當。俟。君。之。行。期。旣。定。然。後。敬。以。相。託。也。此。時。天。光。嚮。曙。庭。樹。

之中棲鴉翔噪清寒頓覺澈骨再興囑余輩以靜俟毋得紛擾翩翻而去余與二人於其去後弗敢更爲縱談相對默然有懷莫吐而言論自由之權限竟爲此女郎之數言所奪視專制者防川計畫勝也

第二十八回

試槍操以水勝火

演攻取依隰包山

翌日邦彥來傳總統之命招邀余輩往觀陸軍操典而陰囑孝麟勿往蓋以孝之出語慙絕少有隕越將爲余輩累也然孝麟酣臥既久殊未一寤超西乃議留之旅館而乞再興於其寤後欵之勿出再興亦握余手書字於掌諄囑勿洩昨宵之事邦彥目光銳厲睹其祕密狀況耽耽注視忽焉微笑似哂再興不應有此者余知邦爲誤會卽亦無能與辯遂與諸人同出此間操場異常空闊綿亘數里氣象開拓總統華氏行海陸軍元帥事親臨閱兵之壇南面誓衆此日氣象蹈厲迥殊初見壇下將士擎槍鵠立敬聆其訓肅靜無譁華氏身佩寶星無數似非閉關之國所能有當時余固無暇詢其所自而邦彥亦未爲余輩告

也。諸軍演習擊射步伐略等。吾國而所用槍械則不以火而以水。此等水質視硫酸爲尤烈。以之攻注敵人鎗礮。偶一沾濡。立歸炸裂。雖有彈火無器載之矣。演此時奇臭四達。邦彥預以衛生藥丸納諸鼻。觀布息乃少。從容弗爲所苦。奏槍旣罷。復馳葵以爭捷。足葵分黃白駁黑蒼五色。風毛電足。並皆佳妙。而蒼者爲禁衛之軍。所驅策神駿尤邁。等倫競賽之餘。果獲勝績。華氏立以金章彩帛獎其曹長。於是祝勝之鼓淵闐如沸。此軍葵足繞場三匝。似尙可賈餘勇。俄而華氏身側之軍務司傳華命令分諸軍東西爲二陣。使之對壘。於是兩軍各據地勢分道馳去。旣而布置營寨遣派偵騎宛臨大敵。東軍馳至場之左側。背山而陣。復出奇兵繞出山後。爲瞭望所不及。西軍揚旂突進。及於戰綫。東軍少一接戰陣即小却。趨於山後。敵軍競進不已。馳逐可一小時。山後伏發。西軍爲敵所包。進退似皆杌隉。此時却者復進。攘臂大呼。金鼓之聲動地。西軍陷身險境。氣焰不懾。轉戰益勇。旣而長圍之外。猝有一軍掩至。旂幟軍徽並爲西軍。

標○識○圍○中○者○望○見○援○師○勇○氣○益○振○再○接○再○厲○圍○竟○獲○解○蓋○先○是○西○軍○知○敵○有○覆○
迺○預○掘○地○道○越○過○戰○綫○以○備○濟○師○當○進○攻○時○衆○皆○爲○此○軍○危○而○統○此○軍○者○毅○然○
弗○顧○實○有○恃○而○不○恐○也○此○時○兩○軍○勝○負○略○可○相○當○東○軍○不○甘○釋○敵○奮○鬪○仍○厲○於○
是○華○氏○乃○布○休○戰○之○令○傳○命○會○食○甫○就○休○息○即○周○旋○賓○位○握○余○手○而○問○曰○戴○君○
敵○國○武○備○何○如○以○此○與○大○陸○之○各○國○軍○隊○馳○逐○能○無○憂○其○隕○越○乎○余○察○華○之○詞○
色○野○心○勃○勃○豪○氣○溢○於○眉○宇○苟○非○再○興○預○爲○余○告○余○斷○弗○信○宛○宛○英○雌○有○此○風○
烈○於○時○聞○言○卽○敬○答○曰○貴○邦○軍○紀○殊○不○類○於○棘○門○灞○上○第○恨○下○走○眼○福○淺○薄○不○
能○常○侍○清○塵○得○以○縱○觀○無○禁○殊○滋○遺○憾○耳○華○氏○鄭○重○言○曰○君○輩○何○太○匆○匆○豈○又○
欲○將○他○往○耶○余○喜○得○問○遂○偕○超○西○作○賓○同○聲○請○願○華○氏○曰○視○邦○彥○曰○博○士○以○爲○
何○如○余○意○俟○吾○操○事○期○畢○然○後○夙○駕○亦○殊○未○晚○邦○彥○乃○謂○余○曰○吾○國○每○遇○舉○行○
合○操○之○典○爲○期○不○過○匝○月○公○等○旣○樂○遊○歷○宜○且○終○覽○斯○勝○歸○而○著○之○篇○簡○敵○邦○
亦○將○藉○以○增○色○也○余○囁○嚅○未○能○遽○決○而○天○已○薄○暮○華○氏○將○歸○其○第○遂○不○及○更○爲○

談判復返旅館比至余輩所居之室則室門反扃呼孝麟弗應方疑駭問突有一人自外入握超西之手曰君歸何暮令人盼殺矣超西愕然驚顧注視其人面良久弗能致其答詞

第二十九回 學西哲拳銃代鳴鈴

制僮荒安眠施藥水

握超西之手者非他蓋即疇昔夕深談之再興華氏華氏素工巧笑秀靨春風襯其皓齒明眸清揚婉妙溢於面部自露其女郎真相後余視之爲此豸媼娟益覺冲和可近不謂是時氣象倏焉一變芙蓉之面凝作鐵色朱櫻慘淡亦現焦白握手時纖腕戰戰顫悸弗能自己類有無量激刺鬱於神經者余輩初欲詢以吾友孝麟睹此狀況咸期期不能出之於口超西詞鋒便給終勝余輩溫辭慰勞謝其居守之勤因緣遂及孝麟蹤跡再興忽俛其首眼波瑩瑩幾墜眶外此固女郎負氣恃姣常態不圖招待之員有斯容止思之寧非異事須之有頃始爲懊悵之聲曰貴友曾君……言至此斷不復續余輩已知孝麟必有特

殊之奇劇演於余輩行後日視二人逡巡示意二人亦如余之得解相向無言再興徐舒其氣迺歷述其一日之遭際贖以最後之論斷曰余若不以三君之故則此類無賴之行動誰復甘於忍受者余輩力致周旋再興意始少釋蓋當吾人出後孝麟歷久始寤寤時口渴索飲嗷呼無應者以再興之夜中勞勩黃梁方熟而給事僕隸遂偷媮暇逸也

孝麟躁渴既甚遂法泰西豪士呼人之法掣其榻下手鎗開窗舉火向空奮擊發音鞞鞞硝磺之氣盈屋再興甫致詰責則縷述昨宵之語加以評點褻乃無倫蓋當吾輩疑其熟睡之時孝乃蒙首假寐潛聆諸人所語至是遂突出之爲反唇資料再興怒其無狀孝亦弗少遜讓遂相顧大鬪再興反鑰其扉令弗得出孝叫號憤詈狀如狂囓再興充耳若未嘗聞然甚惡其囂遂以安眠藥水潛就室中注射於是其聲始靜再興自以邁此暴嫂引爲奇恥幾欲不俟余輩之歸予以酬報隱忍未發而余輩至交涉將就和平超西迺乞再興寬假釋之令

寤再興曰令之清醒非難第慮渠弗稅駕南柯則狂奴之故態復作余量自知弗宏必不能恕之於屢也超西與余力任規誡之責作賓亦從旁慫慂再興久之始有許可之意遂與余輩伸其信約曰君友蕩佚之行殊不適於余國苟弗俾之他去則爲之友者亦將蒙其嘉休吾爲籌畫似亦宜於割席願勿避棄友之誚致來他日之悔而身名甘與俱敗也余聞再興之言竊喜坐此之故可以速去此土則塞翁失馬未嘗非福思及此猶未矢之於口超西則已先得余意慨然曰余四人亦旣同出則必相與同歸曾君在勢固不宜於復留僕等當亦與之偕逝蓋處於無可如何地位雖戀戀於地主之賢而亦無能自免也言際顧謂余與作賓曰君及舒君其以余爲允否於是余二人同聲以應再興意固厭倦不復如前此之相挽略致虛與委蛇之語即啓臥室之鑰偕入其中此時孝麟偃臥地上手槍猶在於握而納彈之口已塞再興擲揄之曰曾君……曾君……君於清醒之時氣何其盛而於酣眠之頃又何其衰此時雖昇君於鼎

俎臨君以刀鋸君亦茫然而不知避吾思君之所處夫亦大可哀矣余輩深知其言輕侮然亦無能抗辯遠適異國昔人所悲栖栖寄籬夫亦安能禁人蔑視況孝麟之行事固予之以口實耶

第三十回

以有易無傳君雙翼

倦遊返駕還我故吾

當孝麟未寤之先余之意中實有一可懼之事轆轤弗已余意懼此者非獨余一人卽我讀者諸君知孝麟之松柏本性者亦必與余具有同意蓋余輩實與再興訂有條約謂其寤時必不更相齟齬如孝麟者余輩既不能於事先誥誠則一開醒眼突見其仇在側有不斡眉攘臂予人難堪者乎果爾則余輩之事滋敗而又將失信於再興奈何奈何之聲宜不獨潛於余之喉際矣然再興及於此際殊不更留餘地則且掬其手袋出一素巾披拂孝之面部超西雙目注視亦隨再興手腕上下弗爲少瞬俄而孝麟舒掌蹠足展眸張口欬然起坐首爲呵欠之聲繼乃睜顧再興似將騰其口說余與作賓心威凜凜幾欲高呼上

帝令其勿更開罪於人。然觀此姿勢，似已失望。於是相顧動色，不意孝麟寤後，嘿不一言。惟顧超西而笑，似盡忘其前事。於是余心至爲愉快。乃悟超西亦解催眠之學，略與志仁相等。孝之不能更苦余輩，蓋由於此。然既悟及，又恨超之施術不早也。再興睹其果不復作狂態，亦寘前事弗齒。而言及將爲臨歧握別，似又生其悵惘。超西毅然期以翌日行，因乞再興轉達總統，乞取來時之飛艇。再興曰：君忘之乎？飛艇將留余國，以爲君輩來此之紀念。言至此，乃爲迴眸之粲。曰：吾將假君輩以羽翼，俾得以所有而易所無……此語甫出，忽憶語之緣起。不覺紅生雙頰，而超西已極口聲謝，以誌拜嘉。是日賓主盡歡，清談竟夕。乃罷登晨。邦彥又來傳總統命，要余輩復觀操典。超辭以將行，願須異日。邦彥不意吾輩遄行之遽，猶欲強爲維繫。再興起至室外，與之微語，遂巡復入。遂不更及留行之事。余固知其已爲傳聲之器矣。

晨餐後再興果取飛翼四襲遺之。吾輩且教授以服御之法。至孝麟似露靳惜。

之。意。超。西。懼。其。或。以。竄。敗。者。相。授。目。灼。灼。注。視。再。興。已。覺。其。意。急。宣。言。曰。四。君。之。羽。衣。皆。有。吾。國。特。製。之。商。標。一。稔。之。中。卽。長。日。襲。着。皆。無。敝。裂。之。弊。君。輩。第。如。成。法。將。事。余。固。足。爲。保。險。公。司。也。於。是。首。促。孝。麟。試。着。孝。愕。然。却。顧。似。亦。知。其。曾。經。抵。釁。或。以。美。哉。之。跌。相。賺。者。孝。慙。怯。略。如。孺。稚。再。興。笑。取。翼。衣。着。之。於。體。迴。翔。空。際。宛。然。大。鳥。翔。已。下。集。睨。衆。而。笑。余。輩。知。其。可。恃。遂。各。試。翼。天。空。互。相。馳。逐。久。而。後。下。於。是。國。衆。羣。知。余。輩。將。行。不。期。而。集。者。數。千。人。余。輩。匆。匆。言。別。風。外。扶。搖。翩。翩。霞。舉。初。猶。俯。見。再。興。之。儕。手。揮。素。巾。繼。而。飛。行。愈。遠。倏。忽。不。可。復。見。遂。與。此。邦。不。面。行。及。桑。港。忽。憶。再。興。曾。有。一。事。欲。託。余。輩。故。主。人。情。重。曲。盡。關。垂。乃。行。時。偶。一。參。差。彼。旣。不。言。余。輩。亦。弗。憶。及。至。今。思。之。猶。呼。負。負。矣。在。途。每。至。地。上。食。宿。輒。爲。居。人。所。駭。且。有。疑。爲。異。鳥。舉。鎗。奮。擊。者。至。廣。州。遂。易。旅。行。服。什。襲。翼。衣。不。敢。復。着。易。輪。以。抵。滬。上。途。中。超。西。猶。以。催。眠。之。術。感。孝。麟。以。故。吾。書。之。噓。料。絕。少。及。滬。余。留。一。日。馳。歸。鄉。里。志。仁。已。知。余。至。候。於。村。外。握。

手○言○曰○君○家○延○醫○者○日○候○余○門○慚○無○以○應○今○得○君○歸○重○負○釋○矣○此○時○相○將○先○至○
余○家○余○妻○瘦○骨○不○盈○一○把○余○瞥○見○之○幾○將○隕○涕○志○仁○爲○余○易○形○如○前○狀○享○家○庭○
之○幸○福○者○可○匝○月○余○終○以○所○遊○未○暢○復○擬○爲○環○球○之○行○諸○君○須○之○余○行○果○有○定○
期○將○復○出○所○歷○以○相○餉○也○

身外身

九二

身外身終

中華民國四年七月初版
中華民國五年三月再版



此有著作必
究印權著書

編輯者

蔣景緘

印刷所

文明書局

發行所

上海棋盤街
文明書局

發行所

上海拋球場
中華書局

小怪異身外身(全一冊)

每部定價洋二角五分

分售處

中華書局

北京 天津 保定 山西 奉天 長春
雲南 西安 成都 重慶 漢口 武昌

長沙 常德 開封 南昌 南京 杭州
溫州 福州 廣州 汕頭 濟南 石庄

筆記小說大觀

第一輯
出版

全書八十册
定價洋八元

- 棗林雜俎
- 湧幢小品
- 舌華錄
- 虞初新志
- 虞初續志
- 南樞楛語
- 堅瓠集
- 笑笑錄
- 漫遊紀略
- 蟲鳴漫錄
- 淞南夢影錄
- 聞見異辭
- 此中人語
- 鷗陂漁話
- 吹網錄
- 浪蹟叢談
- 清嘉錄
- 春在堂隨筆
- 千百年眼
- 香祖筆記

本局筆記小說大觀第一輯
出版辱蒙 各界歡迎第二
輯共輯得二十種甄選尤精
均係孤本藝林文士欲見之
而不得者久矣准十二月底
出版三四輯已在印刷中